

四庫全書

子部

欽定四庫全書

子部

玉海卷一百九十三上

詳校官中書臣張經田

主事臣祁韻士覆勘

總校官進士臣朱鈴

校對官主事臣陳文樞

謄錄監生臣曹錫璜

欽定四庫全書

玉海卷一百九十三上

宋 王應麟 撰

兵捷

兵捷 露布 五

建隆親征澤潞淮南

建隆元年四月戊子討澤潞五月己未親征六月己巳朔至澤州辛巳克其城李筠死乙酉克潞州丁亥守節

降十月庚寅親征淮南李重進十一月丁未次大儀石
守信奏揚州即破請上臨視是夕拔之重進自焚 四
年收湖南北六年收蜀十三年收南粵十七年定江表
內則吳越閩海歲奉貢職外則交州高麗請吏嚮化而
契丹修好之使數至闕庭 石介頌曰既剪二盜聖武
燁耀荆潭蜀吳如拔腐草如火烈烈如飈發發口授臂
指虹銷霧豁

湖南行營都總管慕容延釗平高繼冲

建隆三年武陵周行逢卒衡州刺史張文表率兵攻潭州行逢子保權初自立乞師于朝廷以為救援乾德元年正月七日庚申詔以山南東道節度使慕容延釗為湖南行營都總管宣徽南院使李處耘為都監率兵討之發安復郢陳澶孟宋亳潁光等州兵會襄陽以郢州刺史趙重為先鋒都尉以淄州刺史尹崇珂為行營馬軍都指揮使師至荆門保權已擒文表殺之二月十一日己未王師入荆南高繼冲請舉族歸朝時王師略出

荆渚繼冲即日迎延釗入城聽命以三州十七縣來歸
自是江陵數郡皆平之三月二十六日壬戌克武陵初
保權既殺張文表復謀拒命故王師鼓行而前大破其
軍于澧州乘勝入其城保權遁盡有湖湘戊寅捷書至
羣臣稱賀凡得州十四監一縣六十六石介頌曰聖
機神謀天秘地藏旦秣我馬夕取其疆

四川行營都總管王全斌平蜀崇元殿受俘

乾德二年

歲在甲子

十一月甲戌詔曰朕掩定萬邦於茲五

稔陳師鞠旅出必有名伐罪弔民動非得已睠惟邛蜀
久限化風舞階詎識于懷柔于紀自貽于禍釁近禽獲
西川偽樞密院大程官孫遇等二人搜得孟昶遺河東
劉均蠟書潛相表裏欲起寇戎致姦謀之自彰蓋天道
之助順將定一方之亂難稽六月之師爰命將臣俾正
戎律建靈旗而西指授成筭以徂征言念坤維久沉汙
俗既為民而除害必俟后以來蘇式清全蜀之封止正
渠魁之罪已戒師徒務遵法律凡彼黎烝勿懷憂慮以

忠武軍節度使王全斌為西川行營前軍兵馬都總管
武信軍節度使崔彥進副之樞密副使王仁贍為都監
史延德為行營馬軍都指揮使張萬友為步軍都指揮
使張凝為先鋒都指揮使王繼濤為濠寨使康延澤為
馬軍都監張照為步軍都監田仁明濠寨都監自全斌
而下率禁軍步騎二萬諸道兵一萬由鳳州路進討又
以寧江軍節度使劉光義為西川行營前軍兵馬副都
總管樞密承旨曹彬為都監張延翰為行營馬軍都指

揮使李進卿為步軍都指揮使高彥暉為先鋒指揮使
白延誨為濠寨使朱元緒為馬軍都監折彥斌為步軍
都監王令畧為先鋒都監郝守濬為濠寨都監楊光美
為戰棹左右廂都指揮使自光義而下率禁軍步騎一
萬諸道州兵由歸州路進討乙亥宴崇德殿太祖召全
斌示川峽地圖授以方畧仍令所至之處以前詔告諭
吏民丁丑兩路將帥發京師十二月全斌等收復乾渠
渡萬仞燕子二寨下興州敗蜀軍七千人獲軍糧四十

餘萬石乘勝連拔石圖魚關白水等二十餘寨

丁未師會于鳳

州已酉取青泥

關路入蜀界

是月史延德等進軍至三泉寨敗蜀軍

數萬人生禽偽招討使韓保正副使李進等又獲軍糧

三十餘萬石三年正月劉光義收復三會巫山等寨殺

偽將南光海等五千餘人生擒戰權都指揮使袁德宏

等千二百人奪戰船二百餘艘又殺水軍三千人又拔

夔州初光義將行帝以地圖示之指夔州鑠江處謂光

義等曰至此我軍泝流而上勿以舟師爭先當以步騎

陸行出其不意而擊之俟其稍却即以戰權夾攻取之
必矣及捷奏至^{乙亥}帝問其狀果如所料王全斌等拔利
州得軍糧八十萬石崔彥進康延澤等逐蜀軍過三泉
殺戮獲虜甚衆遂至嘉州進擊金山寨又破小漫天寨
至深渡蜀人依江列陣以待我師彥進發遣張萬友等
擊之奪其橋會天暮蜀人退保大漫天寨詰朝彥進萬
友與康延澤分兵三道擊之蜀人悉以精銳來拒又大
破其衆乘勝奪其寨禽寨主王審超監軍趙崇渥又獲

三泉監軍劉延祚蜀將王昭遠引兵來救遇我師三戰
三敗追至利州北昭遠遁去渡桔栢江焚浮橋退守劍
門王師遂入利州先是既至嘉州會蜀人斷閣道未得
入王全斌議欲取羅川路入康延澤謂延祚曰羅川路
險軍士難進不如督修閣道取大路與全斌會於深渡
彥進然之不數日閣道成遂進兵王全斌等收復劍州
丁丑殺蜀兵萬餘人生禽偽都統王昭遠步軍都指揮使
趙崇韜先是王師發利州至益光全斌會諸將令各陳

進取之計侍衛軍頭向韜曰得降卒牟進言益光江東
越大山數重有小路名來蘇蜀人於江西置寨對岸有
渡路出劔關南二十里至青強店與大路合可於此進
兵則劔門之險不足恃也全斌等即欲領兵赴之康延
澤曰來蘇細路無煩主帥自往且蜀人自與官軍相遇
數戰數敗今聞併兵守劔門不如諸帥協力攻取命偏
將趨來蘇若達青強北擊劔關與大兵夾攻破之必矣
全斌等然之遂命史延德等分兵趨來蘇起浮橋於江

上蜀人見橋成即棄寨而遁昭遠聞延德至青強即引兵陣於漢源坡上留偏將守劔門全斌等以銳兵直擊遂破之昭遠崇韜皆遁走全斌遣追之悉生致焉劉光

義等收復萬施開忠四郡至遂州知州陳愈出降既而

全斌領兵至魏城

十三日甲申

蜀主孟昶遣使持表詣軍門

降

先是癸未昶遣伊審微齎表

全斌令康延澤領騎兵百人入成都

安撫乙酉馳捷書入奏

全斌入成都後十餘日光義始自峽路至

三年正月

十三日王全斌兵至魏城孟昶請降

昶傳云正月十一日壬午降自發

京師至昶降
才六十六日

二十五日詔陶穀約前代儀制損益草定

受降之禮五月十六日丙戌昶至前一日有司設御座
於崇元殿陳仗衛於庭如元會之儀為昶及偽官設次
於明德門外設表案於門外橫街之北是日大陳將軍
昶及子弟偽官李昊等三十二人至闕下昶以待罪奏
授閣門使使持表入昶等俟命表至侍臣讀表閣門使
承旨出昶等俯伏於地宣制釋罪入見於崇元殿百官
起居訖昶入起居舞蹈再拜昶出百僚稱賀禮畢御明

德門觀諸軍還營宴近臣及昶於大明殿

凡得州四十六縣二百四

十

初荆湖既平上召見穆昭嗣問蜀中山川曲折之

狀昭嗣曰荆南即西川江南廣南都會之衝既克此則

水陸皆可趨蜀又董樞上書請伐蜀會蜀使孫遇等二

人間行持蠟書如太原約劉鈞同舉為疆吏所獲上曰

朕出師有名矣詔遇等指畫江山道里及戍守之處畫

地圖以示王全斌等燕崇德殿上曰西川可取否全斌

曰臣仗天威遵廟算刻日可定史延德曰西川若在天

上人不能到若在地上以今兵力到即平耳上壯其言
曰汝等果敢如此計日望捷書上又曰所破郡縣當傾
帑藏為朕賞戰士朕所取惟土疆耳故人皆效命

瀛州防禦使何繼筠彰德軍節度使韓重贊破

契丹

開寶二年三月戊戌車駕至太原城下四月丁未朔命
置寨城四面李繼勲軍于南趙贊西曹彬北党進東以
逼之先是契丹兩道來援一道攻石嶺關一道由定州

并人恃之何繼筠屯曲陽驛命以精騎數千拒敵于石
嶺上曰翌日亭午俟捷至己未上御北臺以俟見一騎
自北來乃繼筠子承睿來獻戎捷禽契丹刺史王彥符
等二人上命以所獲首級鎧甲示城下并人喪氣彰德
節度韓重贇大破敵于常山北五月癸未捷至上大悅
潭州防禦使充賀州道行營兵馬都總管潘美
擒劉鋹明德門受俘

開寶三年九月八日

己亥 一
云己亥朔

以潘美為賀州道行營

兵馬都總管武陵團練使尹崇珂副之就命道州刺史
王繼勲為行營都監發諸州兵趣賀州始用師於嶺也
先是廣南劉鋹為政昏暴民皆苦之數舉兵來寇道州
刺史王繼勲上言請討之帝初為含容詔江南李煜致
書諭令歸款鋹不聽美等討之十月庚辰美等克賀州
十二月壬寅下桂昭連三州殺廣南軍萬餘人遂下韶
州

十二月辛亥拔連州

四年正月癸丑收英雄二州二月庚午遂

克廣州擒劉鋹上露布曰臣聞飛霜激電上帝所以

啓鴻基將復三代之土疆永泰萬方之生聚西平巴蜀
雲雷敷潤物之恩南定衡湘江漢鼓朝宗之浪惟嶺南
之擴俗獨恃遠以偷安人皆照臨罔遵聲教偽漢國主
劉鋹性惟兇惡識本庸愚以虐害為化風以誅戮為政
事置大床鐵刷之獄人不聊生設斫湯鑊之刑古未
曾有恨刀鋒之未快用鋸解之恣情鬻割封屠窮彼殘
毒一境告天而無路生民踏地以稱冤衆心向明如望

皎日皇帝仁深惻隱義切救焚遂發干戈拯其塗炭臣等上憑仁武遥稟睿謀舉軍未及於半年乘勝連收於數郡累逢戰陣無不掃除劉鋹遠懼傾危尋差人使初則稱臣上表具陳歸化之心後則設詐藏姦翻作款兵之計臣與將士仰憑睿旨不敢逗留於正月二十七日

甲子到柵口去廣只一程鋹乃頻遣寮佐往來商議漸無

憑準固欲滄延兼於諸路到處新出偽命文榜皆是會合逆黨拒敵王師至二月四日

已果遣其弟保興等部

領舉國軍兵併力決戰將士等感大君之撫御咸願竭忠怒逆寇之執迷爭先效命八十里槍旗競進數萬人殺戮無遺又分布師徒徑收賊累其劉張知城隍之必陷將府庫以自焚烈焰連天更甚崑岡之火投戈散地甘從涿野之誅在州百姓乍除苛虐咸遂生全無不感帝力以霑襟望皇都而稽首此蓋天威遠被宸算遐敷平七十年不道之邦救百萬戶倒懸之命殊方既乂長承日月之回光鴻祚無疆永荷乾坤之降祐

知制誥扈蒙草露布

至音召對從
福殿賜金紫

開寶四年

歲在
辛未

二月庚午潘美克廣州

擒劉鋹已丑露布至命有司撰定獻俘之禮五月一日

已未
朔

帝御明德門樓有司陳仗衛及諸軍文武官班於

樓前如閣之儀設俘位于東西街之南獻俘將校位於

俘位之前武士係鋹等及偽官露布前引先獻太廟及

社百官常服將校戎服文官起居訖引鋹至樓前拜舞

起居訖引露布案付中書門下如宣制之儀刑部尚書

請以俘付所司釋鋹縛拜舞稱謝文武官稱賀放仗

昇州西南路行營馬步戰棹都總管曹彬平江
南明德門受獻

開寶七年九月十九日丙寅命山南東道節度使潘美
潁州團練使曹翰宣徽南院使義成軍節度使曹彬侍
衛馬軍都虞候李漢瓊賀州刺史田欽祚步軍都虞候
劉遇等領軍同赴荆南十月二十三日

丁酉

又以吳越國

王錢俶為昇州東南面行營招撫制置使三十日

甲辰以

曹彬為西南路行營馬軍戰棹都總管潘美為都監曹

翰為先鋒都指揮使以討之閏十月

已酉

曹彬收峽山寨

殺江南軍八百人獲池州內指揮使王仁震等遂克池

州又敗江南軍七千餘人於銅陵生擒八百人獲戰艦

二百餘艘連拔蕪湖當塗二縣駐軍於采石磯先是李

煜外示恭儉內懷觀望太祖慮其難制遣李穆諭旨召

赴闕果稱疾不朝而全葺城壘教習戰權為自固之計

帝怒命彬等進討十一月敗江南軍二萬人於采石磯

生禽偽兵馬使王乾總管龍驤將軍都虞候楊汝等

十一

月甲申大
江浮梁成

先是樊若水嘗漁於采石磯以小舟載絲繩

維南岸疾擢至北岸以度江之廣狹遂詣闕獻策請造
舟為梁以濟師由是大軍長驅如履平地又敗數千人
於新林寨十二月又敗江南軍五千餘人於白鷺洲八
年正月甲戌朔又敗江南軍於新林港口斬首三千級
吳越王錢俶拔常州利城寨敗江南軍田欽祚又敗江
南軍萬餘人於溧水斬偽都統使李雄等曹彬等又敗
其衆數千人於白鷺洲拔昇州關城三月又敗其衆於

江中四月又敗其衆於秦淮北六月曹彬又敗其衆二萬餘人於昇州城下九月乙酉降潤州十月劉遇破江南軍三萬餘衆於皖口十一月又敗其軍五千人於城下先是彬等遣使以三寨攻城圖來上帝視之指潘美北寨謂其使曰此宜深溝自固吳人必夜寇其壘爾亟去令曹彬自督其役并力速成則不能為其所乘矣彬等承命晝夜濬之才畢吳人果來寇美等披新溝以拒之吳人大敗悉如帝所料焉二十七日

乙未曹彬等拔昇

州擒李煜及其臣寮百餘人江南平得州十九軍三縣

一百八戶六十五萬九年正月四日

辛未

曹彬奉露布

露布

云猿猴竟效其先登
蟻蝨自悲于相吊

以李煜及其子弟偽官四十五人

來獻御明德門受獻有司言李煜獻俘之禮請如劉鋹

帝以煜常奉正朔非鋹之比不欲暴其罪寢露布而勿

宣赦文李煜不量分力每縱奸險詐為事大之恭勤

每欲欺天而觀望修葺城壘彌年為固守之方招誘豪

強終日有包藏之志顯然彰露達于聽聞朕欲推以異

恩許其入覲堅心背順稱疾不朝

太平興國親征太原 平晉詩 賦 記 頌

開寶二年二月戊午詔親征太原三月戊戌傳城下乙巳壅汾水灌城丙午又壅晉水圍之累月閏五月壬戌

班師興國二年太宗曰彼弱我強我計決矣四年

已卯歲

正月庚寅命宣徽南院使潘美等進師二月二日詔親征甲子上親征二十九日次德清軍三月庚辰朔次真定四月壬戌克岢嵐乙丑克隆州巳巳克嵐州繼元外

援不至饒道絕王師四合庚午上次太原駐蹕汾水東
二十三日幸城四面按行營壘閱視攻具翌日夜漏未
盡幸城西督諸軍發機石攻城二十七日命馬仁瑀募
容福超白重貴李繼昇等分道攻城帝自草詔賜繼元
五月壬午幸城南上曰翌日重午當食於城中癸未諸
將急攻城欲壞帝恐屠城麾衆少退是夜繼元納款甲
申幸城北張樂宴從臣於城臺受降乙酉赦河東
自劉
旻歷

四主凡二
十九年

御製平晉賦及七言詩命從臣和以行在所

為平晉寺御製平晉記刻石直使館宋白從征因獻平

晉頌

丁亥上
幸太原

石介頌曰往弔其民王澤時雨往伐其

罪王師虎旅撫我則懷并人肯來降旗出城并門夜開

尹洙皇雅帝御我師百萬貔虎鋒鏑始交梯衝如舞

我士奮揚願究吾武皇帝曰吁念彼黎庶匪鯨匪鯢復

為王土維我藝祖亦勤于征匪貸晉罪俟其貫盈

太平興國親征幽州

四年既下并州上欲乘勝取范陽殿前都虞候崔翰曰

乘破竹之勢時不可失六月甲寅發京東河北軍儲赴
北面行營庚申上北征丁卯上躬率兵攻東易州其刺史
劉寧以州降留兵千人守之戊辰涿州降以萬人戍
守庚午駐蹕幽州城南敵不敢居城中有萬餘衆屯城
北上率兵乘之斬千餘級餘黨遁壬申命諸將攻城旬
有五日士卒疲且食盡七月甲申班師河東有地名
三交敵之所保多由此入寇八月癸亥命潘美屯三交
口潛師襲之敵棄城美因積粟屯兵以守之十月契丹

寇關南左龍武將軍崔彥進與崔翰及鎮州都監李繼隆將兵八萬禦之三戰大破之庚午關南言大破敵於遂城西斬獲數十萬十一月辛丑又言破其衆數萬

太平興國親征契丹 諭渤海 車駕凱旋

又見御
詩類

五年十一月契丹萬騎寇雄州壬子上北征癸丑關南言破其萬餘衆戊午次大名府雄州言敵遁十二月上欲乘勝取幽薊學士李昉扈蒙請旋旆上即日

庚辰
下詔

還京乙酉至京師六年正月辛亥易州言破敵兵數千
七月丙午將大舉北伐遣使賜渤海王詔諭意曰今靈
旗掃北宜率部族來應然竟無至者七年五月辛丑高
陽關敗敵衆數萬於唐興口己未府州破萬餘衆於朔
州界

給事中知代州破契丹

雍熙三年正月庚寅北伐五月將至岐溝關王師不利
簽書密院張齊賢請行七月丁亥命知代州十二月敵

騎薄代州城下副總管盧漢贇保壁自固齊賢選廂軍
二千出征之誓衆感慨一以當百敵遂却循胡盧南河
而西齊賢夜發兵二百人持一幟負一束芻距州城西
三十里列幟然芻敵見大光中有幟意謂并師至駭而
北走齊賢先伏步卒二千於上塏寨掩擊大敗之斬獲
甚衆捷奏至歸功漢贇上嘉之

河西都總管禽李繼捧克夏州

趙保吉

繼

寇靈州淳化五年正月癸酉命李繼隆為都

總管尹繼倫為都監率兵討之四月趙保忠

繼捧

奏已與

保吉解讐乞罷兵上怒命繼隆移兵擊之王師壓境保

吉反圖保忠夜襲其帳保忠脫身走趙光嗣開門納王

師繼隆克夏州禽保忠送闕下保吉遠遁漠北

五月丙寅保忠

入見
釋之

劔南兩川招討使王繼恩平李順

淳化五年正月成都府言狂賊李順等攻邛州郡陷嘉

眉甲戌命昭宣使河州團練使王繼恩為劔南兩川招

討使率兵討之二月甲申朔命王杲率兵趨劔門尹元
率兵由峽路討賊並受繼恩節度其月賊陷成都府又
分攻劔州成都府都監宿翰與劔門都監上官正合兵
迎擊大破賊衆斬馘殆盡四月繼恩由小劔門路入研
石寨壬寅拔劔門破賊五千餘衆於柳池驛賊衆望風奔走
殺戮溺死不可勝計又克閬綿巴三州五月至成都破
賊十餘萬獲李順及僭偽服用甚衆戊辰奏至羣臣稱
賀六月蜀平

高陽關貝冀州路都總管破契丹

咸平二年十二月甲寅車駕發京師甲子次大名府三年正月范廷召等引兵追契丹丁亥至莫州東二十里大破之斬萬餘級餘衆遁庚寅奏捷羣臣稱賀上作喜捷詩題行宮壁甲子車駕發大名

廬州觀察使知益州兼川峽南路招安捉賊事

雷有終平王均 咸平喜聞捷奏詩

見御詩類
又見前

咸平三年正月己卯朔神衛軍都虞候王均叛陷漢州

遂趨綿州攻之不下至益州遂知州牛冕甲午詔以戶部使雷有終為招安使李惠石普李守倫並為川峽招安巡檢使給步騎八千討之二月十四日賊敗王師李惠沒焉均盡脅蜀中僧道士民以為兵四月大敗賊衆于升仙橋東官軍進至清遠江為浮橋而渡築壘于城北門造衝梯攻具賊將趙延順中流矢死八月收羊馬城遂設敵棚覆洞車進逼羅城招安使秦翰至於城北魚橋別築土山九月官軍由城道入焚賊望櫓礮架至

夕賊衆與其黨二萬餘由南門而遁王均奔富順監遣
楊懷忠追賊冬十月甲辰朔斬均於富順監傳首至成
都梟於市乙丑有終遣楊崇勲乘傳告捷羣臣入賀崇
政殿直秘閣黃夷簡直史館曾致堯盛元劉鍇直集
賢院任隨右贊善大夫宋貽序並上平蜀寇歌頌詔付
史館

景德親征

景德元年閏九月二十四日乙亥北面言契丹與其母

舉國入寇統軍順國王達蘭引兵掠威虜順安軍保州
三路總管等帥兵禦之敗其前鋒斬偏將翌日攻北平
總管官田敏擊走之東侵保州攻州城不利而北自是
遼主與母并統軍之兵合勢以攻定州王超陣于唐河
厲兵蓐食以待之其輕騎為我裨將所擊遂率眾東駐
陽城淀二十八日已卯岢嵐軍賈宗奏敵數萬來寇率
兵擊敗之俘獲甚眾翌日再至又擊走之十月四日甲
申府州折惟昌言奉詔率所部兵自火山軍入契丹朔

州界前鋒破大狼水寨殺戮甚衆丙戌北面上言敵主
與母率衆至唐河三路總管王超案兵以待既而不接
戰緣胡盧河而東下遂南攻瀛州乙巳威敵奇嵐軍保
州莫州北平寨並上言擊破契丹羣臣奉賀二十六日
丙午契丹遣人以殿前都虞候王繼忠奏乞許通和詔
以殿直曹利用為閤門祇候往荅其意十一月辛亥朔
北面上言敵衆急攻瀛州晝夜鼓譟乘城其為城兵所
殺者三萬餘人傷者倍之遂解圍既而遊兵逼冀州知

州王嶼擊走之十八日戊辰以車駕北巡命李繼隆石保吉等為駕前東西排陣使二十日庚午上北巡契丹又令王繼忠為奏乞和辛未車駕次長垣契丹又遣使李興以王繼忠奏至二十四日甲戌散直張皓自貝州賣王繼忠奏狀至行在且言契丹不敢劫掠以待主人命帝曰敵人雖有善意然深入吾土又河水已合宜過為之備可再督諸路將帥速會駕前仍令樞密陳堯叟乘傳赴澶州北寨密諭將帥整飭戎容以便宜從事二

十五日乙亥李繼隆等言契丹過天雄犯德清軍抵瀘州北直犯大軍圍合三面輕騎由西北隅突進大軍既成列敵騎止而不進臣等分伏勁弩控其要害有敵帥異其旗幟出行軍伏弩齊發殞之見其數十百騎競前輿去敵師悉遯所害者即順國王達蘭達蘭勇所統皆銳兵及是朔人喪氣敵騎漸北但時命輕騎來窺大軍二十八日丁丑曹利用至自契丹與其使韓杞同至十二月庚辰朔對韓杞於行宮前殿是日復同往契丹求

割關南地帝不許而增其歲幣甲申曹利用與契丹使
姚東之至丙戌命獎州刺史李繼昌假左衛大將軍持
荅書及誓約與東之報聘東之奏已議通和北朝方收
衆歸國慮沿邊諸軍出兵邀擊望降詔約束詔如其請
戊子上作詩賜輔臣是冬冰判又車駕離京日輕風南
至占者以為善應故聖製及之幸北寨勞軍宴從臣于
行宮甲午車駕發澶州契丹各團結北去不敢侵掠十
八日丁酉李繼昌與契丹使丁振奉其國主及母誓書

見于行在

誓書每歲以絹二十萬
足銀十萬兩助軍資

時國主暗弱其母蕭

氏專其政蕭氏有機畧多殺罰其下皆稟服焉戊戌車

駕至自澶州

法駕前導
鼓吹振作

景德元年九月丁酉帝謂輔

臣曰國家重兵多在河北不乘此時決戰則邊防之憂

未已朕決親征卿等共議宰臣畢士安等曰陛下已命

將出師委任責成必立功效如親征宜駐蹕澶淵就便

處事然城郭非廣兵難久聚况冬候猶遠順動之事更

望深思冠準曰大兵在外須勞車駕暫安澶淵進發之

期不可稽緩知樞密院王繼英曰契丹舉國入寇朝廷
必期決勝所宜順動以壯兵威仍督諸路進軍臨事得
以裁制然將來駐蹕不可更越澶州庶不虧損謹重所
議進發尤宜緩圖若速至彼勢難久圖乃詔士安等各
述所見具狀以聞而帝決意親征十一月二十日庚午
車駕發京師次衛南北敵遣使致書乞和日抱珥黃氣
亢塞司天言
不戰而却有
解和之象帝謂宰相曰敵人雖有善意亦宜過為之
備可督諸路師速會駕二十五日乙亥李繼隆奏契丹

入平瀘州二十六日至澶州城北直犯大軍臣等分伏
勁弩殺其先鋒統軍順國王達蘭敵師悉遁車駕將前
進會契丹請和十二年甲午班師 慶厯五年九月癸
巳詔近臣考先朝史為景德禦寇圖

廣東西安撫使平宜州賊

景德四年六月丙辰宜州澄海軍校陳進因衆怒害守
臣劉永規擁判官盧成均為帥僭號南平王嬰城拒兵
攻柳州七月乙丑朔至柳江不能渡守臣王昱遁去陷

柳城官軍退保象州甲戌以東上閤門使曹利用供備
庫使張煦為廣東西安撫使張從古張繼能為副發荆
湖斬黃兵討之命內侍周文質使廣州監屯軍控要路
八月賊攻懷安軍知軍任吉等擊走之攻天河寨又敗
之上手詔諭利用等守萬全之計九月賊攻象州守臣
何邴城守利用命于德潤以千兵倍道襲賊于武仙縣
敗之追于象州城下斬偽將陳進及其黨遂入城分兵
捕餘寇盧成鈞挈其族降十月癸卯奏至

黎雅州水陸都巡檢使平瀘州夷

祥符二年瀘州夷人

實錄云
黎州蠻

集衆為亂四月戊子遣閣

門祇候侍其曉乘傳招撫未服八月甲申以文思副使

孫正辭為都巡檢使同曉發陝西兵分三路入其境

張繼

勲等
副之

九月戊午又以丁謂招撫夔州蠻令軟血為盟刻

石鐵柱境上三年二月庚子正辭言安撫夷人已平定

六年瀘戎蠻酋斗望寇涪井監奪鹽井轉運使冠瑛

合兩路兵至江安誘溪藍等十一州長吏及八姓烏蠻

首領伐之七月乙未上遣王懷信往與賊議招撫之宜

賊言不討除則為害乃發陝西兵益以白刃子弟六千

人討之

懷信為嘉眉戎瀘等州都巡檢使康訓符承訓副之

十一月緣洧井溪與

斗望關凡十一戰破之賊多墜崖死斗望猶不服賊命

懷信分兵拔其柵大破之賊遂降

十二月壬午懷信言蠻寇悉平

七年

三月辛卯懷信言溪洞已寧更城洧井監濬三濠以環

之

自是不復為寇

宜融巡檢平撫水州蠻

祥符九年知宜州董元已不善撫衆撫水州蠻為亂冠
宜融等州七月乙巳廣西轉運使俞獻可請便宜掩擊
從之詔宜融巡檢普克明都監王文慶等領兵會合克
明與內侍楊守珍出樟嶺西文慶與閣門祗候馬玉出
天河寨東磴道危絕蠻多伏弩以待玉戰屢捷克明憚
深入月餘始至乃大破蠻黨羣蠻竄山谷諭以改過首
帥蒙承貴等面縛詣軍前諭以悉還所掠漢口資蓄承
貴奉詔自誓不敢復叛請改州縣名天禧元年五月詔

以撫水州為安化縣為歸仁

賜安信
軍印

由是間歲朝貢

寶元初安化蠻蒙光月等殺運糧官吏知桂州馮仲巳
星馳至宜州復詔趣兵討之仲巳訓隊伍發丁壯轉糧
餉由三路以進單騎出陣語其酋眾蠻投兵而降二年
正月辛亥奏至

知秦州破西蕃

祥符九年三月西蕃宗哥李立遵與唃廝囉謀為內寇
乃上書求號贊普以立遵為保順軍節度八月壬申朔

知秦州曹瑋言伏羌寨蕃部廝雞波與宗哥連結臣已夷其族帳九月宗哥喃廝囉等率衆數萬入寇伏羌寨曹瑋率蕃漢兵迎戰三都谷大敗之追奔二十里斬千餘級獲馬牛器仗三萬天禧元年二月宗哥族烏波叱臘立柵野吳谷口瑋選募神武軍二百人斬柵破其衆庚寅奏至十一月鬼留族叛瑋率兵討平辛丑詔獎之

廣西轉運使平宜州蠻

慶曆五年杜杞討區希範領兵至環州希範走杞使區

曄誘之及其黨六百餘人出降盡醢以遺谿洞三月甲子宜州蠻平本朝設廣捷之兵習標牌之器又益澄海之師以備蠻興國初翟守素平梅峒

參知政事河北宣撫使平貝州

慶厯七年十一月宣毅軍小校王則反於貝州僭號東平王十二月庚戌以樞密直學士明鎬體量安撫河北逾月未下上以為憂八月正月丁丑命參政文彥博宣撫河北以鎬副之穴地達城中閏月庚子朔選壯士二

百中夜由地道入帳下賊大潰開東門遁總管王信率兵追之執則而還餘黨自焚則叛凡六十五日辛丑彥

博言貝州平甲辰改貝州為恩州

礫則于都市

荆湖南路宣撫使都大提舉廣東經制盜賊事

狄青平儂智高

儂氏廣源州蠻也地在邕管西南鬱江之南其崖險峭深善戰鬪輕死好亂初知儂猶州儂全福為交趾所虜其妻阿儂遂嫁商人生智高智高年十三即殺其父阿

儂更嫁儂夏卿智高冒姓儂氏奔雷火洞後據儂猶為
交趾所拔交趾釋之以知廣源州然內怨交趾頗劫掠
其地僭稱南天國改年景瑞久之求內附既未得請遂
寇廣南皇祐元年九月寇邕州三年四月智高率衆五
千緣鬱江東下復貢金函書請內屬不報四年五月乙
巳朔破邕州殺知州陳珙智高見所上金函怒謂珙曰
我請內屬求一官以統攝諸黨汝不聞何也於是改年
啟歷是月智高陷橫貴龔潯藤梧六州又陷封康二州

又陷端州丙寅遂圍廣州六月庚辰

實錄七月丙午

命知潭州

余靖為廣南東路安撫使知桂州經制盜賊八月辛卯

以知秦州孫沔為荆湖南路江南西路安撫使九月庚

申智高入昭州庚午以宣徽南院使彰化軍節度使狄

青為荆湖南路宣撫使都大提舉廣南經制盜賊事是

月狄青言自儂智高寇嶺南而諸路將專用步軍以乘

高履險之賊故每戰必敗請下廊延環慶涇原路擇蕃

落廣銳軍曾經戰鬪者各五十人押赴行營從之十月

丁丑智高陷賓州甲申入邕州辛巳詔廣南將佐皆稟
狄青節制若孫沔余靖分路討擊亦各聽節制十二月
壬申朔廣南西路兵馬鈐轄陳曉擊智高軍敗于金城
驛五年正月狄青領兵至邕州戊午陳于歸仁鋪賊皆
執大盾標槍右將孫節為前鋒死之青麾蕃落兵張左
右翼出其右復急擊大破之獲黃師宓已下五十七人
智高遁入大理國詔狄青梟黃師宓等首于邕州城下
以其餘築京觀于歸仁鋪四月壬申狄青還朝置酒垂

拱殿

見陣法類

十二月廣南西路安撫司余靖言邕州司戶

參軍石鑑等捕獲儂智高母并其子弟四人于特磨道

丁酉詔護送京師至和二年六月乙巳戮智高母于都

市智高反偽稱皇太后天資慘毒智高攻陷城邑皆其

謀也及智高敗走大理國而保特磨道依其夫儂夏卿

收殘衆得三千餘人習騎戰復欲內寇石鑑等發峒兵

掩襲禽至都下以招智高久之傳智高死遂并其二子

戮于市余靖勒銘桂林歸功于青青之客馮炳撰

皇祐平蠻記二卷滕甫征南錄一卷以孫沔協謀特發明之

知通遠軍集賢殿修撰復熙州

熙寧五年冬十月王韶收復鎮洮軍王韶傳神宗初立上平戎策曰欲制西夏當復河湟上奇之五年知通遠軍上所降蕃部版圖得地二千餘里口二十餘萬舉兵城渭源堡破蒙羅角城乞神平破抹耳水巴族會木征度洮來寇趨武勝破之遂城武勝

八月八日收復武勝

八月壬

辰賜名鎮洮軍甲辰復遣將破木征木征走弟結吳延
征舉族二千餘人并首領李蘭毡降十月戊戌升鎮洮
軍為熙州以熙河洮岷州通遠軍為一路即熙州為帥
府

先是五年五月建
古渭寨為通遠軍

樞密直學士知熙州兼經畧安撫使復河洮岷
州

熙寧六年二月丙申王韶克河州遂復洮岷疊宕等州
三月丁未
捷書聞
木征復入河州韶遣將度洮略定南山地

築回樂砦結河當州二堡破訶訥城又城香子盡逐南山諸羌木征留其党守河州韶分兵為兩道一攻河州一逆木征所在破之禽木征妻子韶遂城河州攻拔宕州通洮山路九月戊午岷州本令征以城降進軍岷州通熙州路洮疊州皆聽命巴毡角亦來附行軍五十四日涉千八百里復州五辟地東西千里斬首三千餘級獲牛羊馬萬計十月遣走馬承受李元凱詣闕奏捷辛巳羣臣表賀七年四月木征降

安南道行營馬步軍都總管郭達破交趾

交趾本南越之地唐交州總管也至德中改為安南都
護府梁貞明中土豪曲成美專有其地復州將吳昌岌
據其地昌岌死其弟昌文承襲昌文死驩州刺史丁部
領有其地開寶六年丁璉遣使貢方物自是使數至太
平興國中大將黎桓篡其位大中祥符三年大校李公
蘊又篡黎氏公蘊死李德政立德政死李日尊立日尊
死子乾德立世封交趾郡王熙寧八年十二月交趾入

寇攻陷郡縣詔廣南西路經畧司預經制其事將討蕩其巢穴也九年二月戊子以知太原府郭遠為安南道行營馬步軍都總管本道經畧招討使兼湖廣安撫使知延州趙高副之十月命燕達討廣源州拔之十二月十一日^{癸巳}舉兵出界討伐是日破賊決里隘賊黨望風逃潰二十一日抵富良江未至交州三十里賊以精兵乘船逆戰我師奮擊大破之斬偽大將洪真太子其餘擁驅入江溺死不知其數乾德上表乞修貢如初遂收

復廣源蘇茂思琅等州開拓千餘里先後降賊將劉紀
共百九十人飛捷以聞十年二月丙午羣臣稱賀以廣
源州為順州 交州在於天際長安遠於日邊

熙河蘭會路經略使復洮州禽鬼章青宜結崇
政殿獻俘

元祐二年知岷州种誼結鬼章部下伺動息言其狀于
游師雄及經略使劉舜卿請以熙河蕃漢通遠軍蕃兵
合本州軍馬直趨洮州此兵法先人有奪人之心者也

走間道焚河橋絕西援誼部洮東以岷州蕃將包順為
前鋒由哥龍谷會通遠蕃兵宵濟八月十五日出師十
六日兕破六通宗斬千餘級十七日攻講朱城焚飛橋
十八日暮誼至洮州壁青臧峽十九日戊戌黎明霧晦
誼部分畢霧開羌望見官軍以為從天而下一鼓破之
斬一千七百級遂禽鬼章青宜結縛送闕下
鬼章及大首領九人
復洮州二十八日戊申捷奏至宰臣公著率百官賀于
延和殿十一月十一日庚申以鬼章入獻于崇政殿選

川東大首領元征聲延震恐求內附 九月遣使告裕
陵曰自嘉祐末本征擾邊至熙寧中董氈方命於赫聖
考恭行天誅非貪尺寸之疆蓋為民除蝨賊遂建長久
之策不以賊遺子孫鬼章首犯南川北連拓拔云云頡利
成禽初無渭水之耻郅支授首聊報谷吉之冤

武勝軍節度使御前左軍都統制韓世忠平苗
劉

建炎三年七月辛巳韓世忠軍還執苗傅劉正彥苗翬

以獻礫于建康市

福建江西湖南宣撫使孟庾平范汝為

紹興元年十一月戊戌以參政孟庾為宣撫使太尉韓世忠副之二年正月世忠攻建城辛丑破賊衆范汝為竄死回源洞

江西制置使岳飛復襄陽

紹興四年命岳飛收復襄陽淮西宣撫使劉光世發兵萬餘人援之六月飛自鄂渚趨襄陽於是劉豫求救于

金金齊之兵俱來我師與遇連戰大破之遂復襄陽及鄧隨諸州又復鄧州軍聲大振

紹興親征

紹興四年十月上將親征詔曰叛臣劉豫信逆離之狂悖率羣偷而陸梁願挺身而效死不與賊以俱生今朕此行士氣百倍戊戌發臨安壬寅至平江十一月知樞密院張浚視師江上十二月金寇雨雪絕糧烏珠夜引還追擊之劉麟僅以身免明年二月壬午上還臨安

右僕射兼知樞密院都督諸路軍馬平湖寇

紹興二年十二月鍾相餘黨楊么出沒荆岳鼎澧間命
李綱劉洪道討之三年五月又命折彥質皆未克五年
二月丙戌張浚為都督五月浚以楊么據洞庭湖實占
上流不先去之為腹心害奏請自行許之時已命湖南
制置使岳飛往討戊戌飛遣降人楊華入賊招安潛結
么黨殺么以降六月甲辰賊將楊欽率三千人詣飛降
么赴水死招降二十餘萬湖寇悉平

主管殿前司公事楊沂中敗偽齊

紹興四年秋劉豫聞朝廷求河南地乞師入寇金國以兵應之使烏珠為前鋒冬十月韓世忠敗烏珠前軍于大儀鎮十二月烏珠引還追擊之俘獲甚衆六年春張浚以都督行邊揭榜疏豫僭逆之罪九月豫以子麟為行臺尚書令遣將僉鄉兵三十萬逼合肥又遣姪猷出渦口十月主管殿前司楊沂中與劉猷遇于藕塘降殺無遺猷挺身遁獲其糧舟四百艘

四川宣撫副使兼陝西河東招撫司隨軍轉運

誅吳曦

曦密獻蜀地於金國自立為王開禧三年三月二十五日安丙函首并金國封蜀王偽詔偽金印來獻四月三日禮官具獻誠之禮

玉海卷一百九十三上

欽定四庫全書

子部
玉海卷百九十四下

詳校官中書臣張經田

主事臣祁韻士覆勘

總校官進士臣朱鈐

校對官主事臣陳文樞

謄錄監生臣吳魯

欽定四庫全書

玉海卷一百九十三下

宋 王應麟 撰

兵捷

兵捷 露布 六

僭叛 盜賊

幸百六之會窺九五之尊 封狐萬里窠穴千羣 敢

懷猶關之心來犯必誅之令 惡鳥將墜尚顧危巢妖

狐就擒猶守舊穴 蜚鴻集野青犢嘯風 怒萌牙於
霜電昧木冰之本原 犬牙蠹尾 雖梟獍之心斲求
假息而鷹鷂之逐曾不崇朝 此更生之惠也何負汝
而反邪 百姓至此極也多方罔堪顧之 縻以組噉
以秩怒則獸好則人 搏噬楔龙終吠秦牢之主厖隤
下駟欲馳厯塊之塗 罪逾羿浞虐播黎苗 賊輕送
死以羔犢而扞虎狼我誓捐生若鷹鷂之逐鳥雀 恃
長蛇之兩頭固狡兔之三窟 楚人是何多也歌空切

於帳中漢兵其如予何席尚隨於斗柄 執迷不復謂
暴無傷 舉螳臂以求生張蝟毛而自固 刑茲無赦
師則有名 曾無犬馬之勞但縱豺狼之性 且擢髮
以難窮宜然臍而弗赦 巢幕偷安積薪待燎 吳蛇
荐食泮樾未懷 跳梁井蛙之涯旅拒秋螳之轍 綠
林戾氣白挺餓夫 斬木揭竿蒙盾負羽 豕不獫牙
蠆因搖尾 隙駒為喻井蛙自居 未悟傾巢之兆敢
懷拒轍之心 玉弩驚天金鉞照野 赤眉起衆白挺

奮兵 丹浦綠林 作梗青丘稱亂丹浦 恃狡兔之
穴憑孽狐之丘 已藏既心素懷梟獍之性彰露凶德
忽發豺狼之聲 既破竹以無前尚寢薪而不悟 共
抵臧宮之掌欲然董卓之臍 衆輕鬪蟻勇劣怒蛙
杪忽蜂膏虛見辱於齊斧突梯鼠首濫欲寄於旄頭
防維稍緩螻蟻潰隄鞭策或寬駕駘更駕 虐甚三苗
罔化姚虞之德罪踰有扈難逃夏啓之誅 哀凶鞠頑
怒飛饑嘯 盜環之惡所不可言裂冕之情至於此極

忍肆滔天之罪輕為填海之謀 穿高墉以鼠牙毒王
師以蠱尾 囊血射天毒更逾於梟獍吹脣沸地衆競
集於蟲沙 兔株是守蛙井與居 在外曰姦舜典有
理官之治負固不服周書行司馬之誅 內稔姦謀外
機毒天 狐鳴帝里鵠峙神州 逐鹿並驅瞻烏靡定
天垂伏鼈野戰羣龍 逐鹿連雞 禽獸飽而忘恩
蠱蠱養而成毒敢孤亭育自絕生成 既緩前禽之戮
未即後服之誅 八紘俟其然臍萬夫為之切齒 日

長月增雄唱雌和 三北之師二東之賦 鳩居鵲巢
燕棲鳳穴 若難連棲作兔三窟 星孛紫垣飈回赤
縣 委身凶德假翮姦徒 雖幕燕之沾危尚鼎魚之
假息 虐用其民敢行稱亂 日月其慆鬼神弗赦
苻澤之姦潢池之盜 河有防而螳為之決稼太盛而
螟生其間 乘危蝟起怙險鳴張 螽結拒討狼顧背
恩 豺狼整居猥偷擇肉 正當天討之辰更積鬼誅
之罪 威弧不射天網可逃 嘯侶命儔俟間候隙

昧洛書之舛，如同桀犬之吠堯。蚊雷聚響，蟪蛄稱威。豺狼之心飽之，而逾發梟獍之性；養之而並生。

叙兵勢

六月出師，九天選將。運機槍而掃除，縱列缺而焚蕩。建方面於函谷，以西快雄心於狼望之北。即墨龍文常山蛇陳，歲星臨於吳分，定成淝水之勲。關士倍於晉師，可決韓原之勝。飲冰受斧，指日揚麾。山川積雨，盡消敵騎之塵；草木長風，咸有王師之氣。雲羅

四合地道九攻 長戟林高大旗雲繞 橫玉弩以高
臨縱金鉦而直進 乘魚爛之危啓蛇形之陣揚麾誓
衆杖節訓兵五部材雄三河俠少或生居燕地尤工即
墨之圍或家本秦人蚤習昆明之戰 如貔萬計躍馬
千羣 舉鵬力以揚威耀犀渠而賈勇 狼狐張而寔
竄逝虹旆建而旬始銷 坐觀藝火之蓬方解迎刃之
竹 稟鄴侯之指蹤成葛亮之心伐 風揚旌旆雨洗
甲兵 我衆素飽坐折遐衝王師如飛欲賈餘勇 商

秘計於幄中授成算於麾下 蒙虎皮而直犯被鶴膝
以爭馳 風驅如合於百神雷震若出於九地 三軍
既拊咸如挾纊之溫羣旅爭先莫不投袂而起 太白
入月星垂滅敵之祥高鋒彗雲士倍禽王之氣 電擊
雷震星流彗掃 為鷲為鸛整師律以無譁如熊如羆
肅軍容而不犯 朔兵雲合得以毒攻毒之機驍將風
馳有先人奪人之勇 兵交刃接鳥散魚驚 箕宿禡
牙狼星斂角戌日禱馬太白揚眉 痛飲黃龍濟師蒼

兕 鞭長不及馬腹風末不舉鴻毛 妖雲墜於塞陣

暈月繞於邊營 行軍枕席之上翫寇掌股之中 勵

八神於金匱麾三軍於玉堂 函犀七屬浴鐵千羣

勢甚疾雷鋒踰駭電

翻東海以又作決長河而

灌螢倒崑崙

以壓蟻 千萬人往一二臣同 不赦不疑是伐是肆

鼓洪鑪以燎毛磨蕭斧以伐菌 止紂七步圍項三

重 載常服以飭戎車奉靈旗而指伐國 一其關心

萬彼死力 中推赤心前蹈白刃 臨衝閑閑征夫捷

捷中權後勁乘鼓僥阻隘之機彼竭我盈有拉朽摧
枯之勢堅壁不動振九攻九却之威鼓行而前奮七
縱七擒之略元戎十乘先啓行武騎千羣無所用
秣馬宵征翦敵朝食五營月合八陣雲連驚漢將
之從天若蜀人之擊地滅此朝食無以家為空拳
搏虎一劍剗鯨勢均破浪攻甚決河勢無駐於建
瓴功有輕於折箠沃騰瀾於燭火蕩危葉於衝飈
矛驅海若甲洗天河飛鵠懷我好音急鹿鉞而走險

潛師夜起 誓陟羊腸之險寧辭馬革之勞 勢如雷
霆功在漏刻 人百其勇士一厥心 整我六師屈此
羣醜 薄伐西戎盡護諸將 咸指臬巢誓平蟻穴
必將嘗膽誓使然臍

叙克捷

淮孺鶴唳楚幕烏聲 縱精兵於數路若珠走盤擠窮
寇於長江如杵投臼 臯蘭之勝細柳之臨 漆月氏
之飲器焚老上之龍庭 迅雷不及掩耳高屋之上建

瓚生致渠魁邁李愬擒吳之迹盡平邪郭昭邳支負漢
之辜 簞食壺漿以迎莫非王土棄甲曳兵而走罔

敵我師 既圖萬舉以萬全聊示七擒而七縱 楚氛

改色淮水安流 蒙輪超乘靡不賈餘長轂鉤援期於

盡殪 遙知水赤坐想風腥 旌旗導長養之風金鼓

動發生之氣 滔天之逆踰月而平 取蜚弧登壘以

駢隣翼軍 不煩即墨之牛若駕昆陽之象 節解懷

破竹之憂宵遁有曳柴之懾 王旅闕如虓虎靈旗指

于天狼 凡勇獻其力智獻其謀蓋天助者順人助者
信 望八公山草木始驚師律之靜嚴建十二郡鼓旗
卒見兇徒之碎潰 舊染之俗惟新不圖復見官府攸
徂之民相慶咸曰大哉王言 聊從一面之啓尚使隻
輪之歸 五單于相殘宣帝卒來其款塞兩可汗並立
太宗因得以犁庭 兵不踰時士已過險 過大岷不
出知燕兵之無足憂得教倉以居識漢業之從此定
惟斷乃成咸劉厥敵 漢斬郅支第乘其無備唐擒頡

利蓋得於已降猶足以揚昆山之威遂至於漂渭水之
恥若今丕續亘古絕倫出奇謀於堂上視大敵於目
中螳莫拒於隆車魚尚游於沸鼎前窺天塹駭巨
浸之春生側聽風聲曳疲兵而宵遁占彼烏烏之樂知
其雄兔之逃驗圖考傳已窮漢使之河源航海梯山
盡集周書之王會兵行如鬼將通於神爪士膚公
出奇設伏殆行席上之師制勝摧堅盡掃舟中之敵
成擒目中過師席上戎容鷹奮絕紫塞而斷黃河

腥旅蟬歸披青天而覩白日
天德清明聖圖廣大視
民如子天下之所共知應敵以兵聖人之不得已
孟子言不嗜殺人梁馬能一高皇謂吾寧關智項豈終強
受堂上之奇謀制目中之醜類帝赫斯怒貔貅方議
於奮威人得而誅蟣蝨已聞於相弔天聲大震月捷繼
聞
麇兵老上之庭斬級雲中之塞
殄馘冢之星狼
見漢家之武節
閏運百年天聲萬里
亂甚有苗不
待七旬之格勇如徂莒真成一怒之安
兵無常形

以直為壯天有顯道惟逆者亡 命繫投�勢危破竹
下寬大書沛如時雨經戰伐地踈為冷風 采入其
阻克成厥功 知微知彰不俟終日有嚴有翼以奏膚
公 鼎魚梟獲之既多穴螳蜴傷而無幾 取號之旂
哀荆之旅 用師者觀釁而動擊虜以殄滅為期 兵
義者王師直為壯 雷奔電擊谷靜山空 挂旆天山
封泥函谷 臨翰海以浴兵登天山而縶馬 治兵丹
浦獲醜青丘 祁山飲霧翰海息波 防塹師奔但聽

有聲之馬陰陵路失漫嗟不逝之騅 勢無繇而竄雉
計方出於牽羊將執而歸于京師使大者陳諸原野脅
從罔治不戮一人災害不生永清四海 拔鹿角以入
營齊熊耳而積甲 胄落魚門兵填馬窟 掬指舟中
衿甲鼓下 石可碎堅江能拒操 麕驚鳥散風去雨
還 乘其再鼓而哀使之隻輪無反 曰溪后后來蘓
有不戰戰必勝 壯士氣於前茅膽皇靈於破竹 迎
敵鼓行靡待前茅之伺禽囚歸報遂成獨柳之誅 見

無禮於君歸飲至於廟 人臣無將已快鯨鯢之戮吏
民如故亟圖鴻雁之安 欲為帝耳陣方布於蘄西其
如予何兵已臨於新室 春喉蔽野京觀起于中州積
甲成山組練收於外府 截風浪以息滄溟澄氛埃而
覩白日 晷窮漏急命窄塗殫 竟然臍於東市終挂
膽於西州 丹徒鋌漚白門縛布 枯幹必摧秋帶自
隕 積甲齊於熊耳獲庾方於海陵 莽首晨垂董臍
夜燎 翦暴壽華之澤戮凶絕轡之區 刺虎之勢拾

蚌之機 既春長狄之喉還葬防風之骨 市耀臍燈
府傳飲器 鼠無夜動鵲變好音 靈旗西指期顯行
劉關之誅驛騎東馳忽報獲呂嘉之首克清大憝曾不
崇朝 殲厥渠魁屈此羣醜 刁斗夜嚴穹廬曉破
恩融瀚海之冰化解陰山之雪 切新都之舌用報仇
讐然郿塢之臍以威姦慝 斷匈奴臂飲月氏頭 信
星效祉靈旗呈祥壁壘言言而洞開渠魁累累而自縛
靡旗亂轍投戈委弓 破種徙域空漠靜邊指北海而

封燕然中西域而立幕府 卉服已聞於右社
歌頻草於左言 共惟帝臣莫非王土 立漢赤幟乘秦素
車 龜鼉就架於橋梁草木助成於兵衛 一清蛇豕
之妖大築鱣鯢之觀 八荒霧卷四表雲褰 烏聲之
樂鶴唳之驚 寬鼠竊狗偷之戮散蜂屯蟻聚之羣
訪鴻鴈於棘矜之下追狂飈於篁竹之間 振如虎如
貌之氣凝買牛買犢之風 折箠一笞投戈四潰 間
使朝趨降幡夜出 坐令強敵之寒心常若神兵之在

頸 征而不戰聊麾荆柄之幡臬以示懲永震藁街之
邱 建大將鼓旗士如垂橐而入布天子詔令人爭扶
杖而趨 布吉語於藁街愴英威於毳幕 車馳卒奔
曳柴之塵四合旗靡轍亂怒螳之衆一空 偶渠魁遁
獨柳之誅而醜類無隻輪之返 遺種齒寒遠荒膽落
西戎即叙我武惟揚 屈此羣醜同我太平 摧困
獸之關心碎拒螳之怒臂 草木為兵椒蘭比德 烝
徒被羽而鷹揚強敵望風而獸駭 鵲鵠纔列臬獍

大奔 蒼兕既馳長蛇自翦 萬里尅期五道並入
偃月疏營浮雲寫陣 提劍風驅援旗電掃 導彼前
茅乘茲破竹 積甲齊山封尸築觀 勢如解籜事等
摧枯 千里貔貅之營百里龍蛇之陳沸若雲海聚如
雪山 使恃固之壘遽復于隍將領之渠盡殄其甲

策備大攻威同電掃 殪角如羊破冑若蝨 羣帥稟
命中權戒嚴犄角相因初設險於三覆竒正合發俄獻
功于七擒 王師鼓行窮寇席卷 傾枳棘之巢待擒

祆鳥決潢汙之水以捕涸鱗 天助神兵人生勇氣
伏三紀之逋誅成九衢之壯觀 纔聞僥鼓已見靡旗
長蛇之首尾如截應接自難狡兔之窟穴已焚死亡
無所 困雖猶鬪亂不能軍 軍營對日兵氣浮天
闕鞏之甲犀兕七重餘艘之船舳艫千里 塞丹浦之
遙源拔綠林之奧本 聚米而山川可料變幟而壁壘
盡傾 吳鉤楚練照耀陰山冀馬燕犀張皇窮漠 運
其長策悉心而效六奇接以短兵指掌而論七縱 蠡

塞長河泥封函谷 衛霍之襲葷允異道而征率趙之
擊罕羌兩從其請 甌脫不守髦頭匿光 遺械如草
流膏成川 千里煙塵百道旗鼓 漏網得逸擐甲復
來恥於生降窮以死決 猶逃密網尚反隻輪 且稽
分體未即然臍 舉天畢以掩暴傾雲漢而滌氛 月
壘連營雲旗蔽野 未展鷹揚已皆魚爛 受命中軍
習流下瀨 迅騎追風精甲耀日 數其摧髮之愆成
於屈指之計 月羽紛登雲衝震發罽入其阻大殲厥

家

歸美

天授宏略神輸祕圖 動九天之上以發謀見萬里之
外而制勝 上帝臨而無貳無虞三事就而不留不處
敷奏其勇通駿有聲 師出以律載績武功兵義者王
恭行天罰 誕敷文德肅將天威 明明廟謨矯矯王
造 布昭湯武通駿文聲 威極雷霆謀究造化潛運
睿算獨決神機 窮天盡地皆為壽域之人赤子秀眉

共老止戈之代 蓄睿筭於霄漢之表畫聖謨於造化
之先 用仁義為干戈以恩信為疆場 用瀛漠為四
守統華夏為一家 天所助者順也臣何力之有焉
賴天之靈敵王所愾 民所欲而天必從君之訓而臣
何力 舜敷文德七旬舜于兩階周駕戎車一月至于
三捷 下神兵於九天決睿圖於萬里 天保以上治
內下武之聲繼文 用充國金城之略過伏波銅柱之
封 有常而立武事不戰而屈人兵 卻獻何力敢推

羣帥之功叔向有言實在明君之德 不待橫草之功
共成破竹之勢 王奮厥武彼烏敢當天誘其衷我得
多筭 奏饒歌而祀清廟告于文人稱壽筭而御端闈
明示得意 臣何力焉君之訓也 役無再舉慶不一
書 乏吉甫之文武缺卻縠之詩書此皆諸將叶心羣
帥宣力 北辰居而星共大風起而雲飛 乾健天行
大揚號厲 正今日鯨鯢之僂絕異時蛇豕之妖 共
集堂堂之陳用成善善之功 天地合謀鬼神助伐

法天立道與神為謀 布昭聖武充檻威神 武庫韜

戈戎亭徹侯百蠻奔走南踰銅鼓之鄉萬里謳謠西出

玉關之路 鏤靈山而梁孫原釁溫禺而染尸逐 動

罔不吉戰比有功 室家慶商后之來蘇父老喜漢儀

之復見 華封祝堯兆皇基於千載夷歌頌漢美王澤

於三章 惟皇天全付所覆率寧人有指之疆 一成

祀夏力圖宗廟之安三戶亡秦胥慰人神之望 時龍

御漢方開有道之符月馬飲江亟底自焚之禍 歌狸

首而息射詠扶杜以勞師 甲兵不試豈月三捷之足
多土宇販章笑日百里之猶陋 皇威天覆辨職方九
州之圖聖敬日躋朝明堂四門之位舞干羽而有苗格
獻龜象而淮夷來 是伐是肆于理于疆 聖筭先定
王誅不留 成筭自天歡聲屬海 睿筭中潛神威外
憺 成破竹之勢奏采薇之詩 不疾而速又作得道多助惟
斷乃成 見漢武節布唐陽春 鋪淮瀆譚王旅已觀
因壘之降伐獬狁奏膚公佇見犁庭之舉 告清廟以

獻俘即正橐街之修坐明堂而受計盡還葱嶺之圖

蠻荊率服初無方叔之壯猶江漢既平行對宣王之令

聞民勞汙可小康甫迓升平之運胡滅誠為大慶願

臻混壹之期接千歲之統上萬年之觴有常德立

武事以成功告神明表西郊之道示無萬里之行舉

外廷之觴更上億年之壽舞兩階之羽幸親睹於苗征

上萬年之觴顧莫陪於虎拜罷七旬之干羽收六月

之車徒再造可封之俗因橐不戰之弓守在四夷

對揚萬壽 左執律右秉鉞願先周樂之容東漸海西
被沙兼紀禹功之盛 受俘而獻太廟于以慰在天之
靈盛醢以賜諸侯庶幾示為臣之戒 不以賊遺君父
已殄凶殘凡克敵示子孫毋忘勲伐 有德以立武事
稽首以揚王休 脩我戎而整六師矢文德而洽四國
制軍而糾邦國飲至而昭文章 道德成乎安強已
覲靈臺之偃伯政刑脩於間暇豈復潢池之弄兵 赤
眉已破遠踰漢光再造之勲淮夷攸鋪願紀周后中興

之雅 布昭聖武對揚王休 將從天落兵若山行
揚兵九天之上決勝千里之中 奉威懷之命以律而
臧兼夷夏之師在和而克 臣妾兆民庭衢六合 破
碎戎膽振騰天威 百蠻成冠帶之鄉五兵為耒耜之
器 拯遺甿於溝瀆非聖不能掃餘沴以雪霜非天不
可 臨斬戎王將置橐街之下提封漢境願窮蔥嶺之
西 雷聲龍見地闢天開 履至尊而制六合征弗庭
而綏兆民 天生五材誰能去兵武有七德所以禁暴

至誠感神苗民於焉格舜常德立武徐土所以歸周
圖上金城之略生入玉門之關 所亡少少益辦多
多 天落妖彗風摧陣雲 援枹不待於五申破竹遂
成於三捷 時雨霈戎軒之捷迅雷擢賊壘之堅 聞
俎豆未學軍旅之事聽鼓輦則思將帥之臣 聖謨洋
洋皆授折衝之略虎臣矯矯共懷敵愾之忠 重整漢
儀再隆周道 春長狄之喉繫郅支之頸 有常以立
武事一舉而空朔庭 虎士說劍龍庭聽笳 運奇堂

上之兵制勝目中之衆 萬里掃邊顧牧馬不敢南下
一時來享將諸侯復會東都 天保以上采薇以下治
具畢張濮鉉于北祝栗于南王猶允塞 天道先德而
後刑王師有征而無戰 武先七德守在四夷 取若
拾遺役無再舉 襲冠帶而要衣裳戢干戈而橐弓矢
起句

經武七德尤先禁暴以安民為邦百年然後勝殘而去
殺 天無二日土無二王田有一成衆有一旅 文武

之道未墜於地陵律之罪上通於天

玉海卷一百九十三下

欽定四庫全書

玉海卷一百九十四

宋 王應麟 撰

兵捷

獻功

左傳凡諸侯有四夷之功則獻於王王以警於夷蠻夷戎狄不式王命王命伐之則有獻捷王親受而勞之

周王師大獻

周禮大司樂王師大獻則令奏愷樂

大獻獻捷於祖愷樂獻功之樂傳曰

振旅愷以入于晉

大司馬若師有功則左執律右秉鉞以先愷

樂獻於社 江漢告成于王

漢振旅還京師

紀建武五年六月建義大將軍朱祐拔黎丘獲秦豐而
龐萌蘇茂圍桃城帝時幸蒙因自將征之先理兵任城
乃進救桃城大破萌等秋七月丁丑幸沛祠高原廟進

幸湖陵征董憲又幸蕃遂攻憲于昌慮大破之八月已酉進幸郅留吳漢攻劉紆董憲等車駕轉徇彭城下邳吳漢拔郅獲劉紆漢進圍董憲龐萌于朐冬十月耿弇等與張步戰于臨淄大破之帝幸臨淄進幸劇張步斬蘇茂以降齊地平車駕還宮六年正月揚武將軍馬武等拔舒獲李憲二月大司馬吳漢拔朐獲董憲龐萌山東悉平諸將還京師置酒賞賜吳漢傳建武四年冬率建威大將軍耿弇漢忠將軍王常等擊富平獲索二

賊於平原明年春大破賊衆因追餘黨進擊渤海皆平之又征董憲圍朐城明年春拔朐斬憲東方悉定振旅還京師後與公孫述戰斬述漢振旅浮江而下 耿弇傳車駕至臨淄自勞軍羣臣大會帝謂弇曰韓信破歷下以開基將軍攻祝阿以發迹其功乃難於信也弇復追步步負斧鑕於軍門傳詣行在所勒兵入據其城植十二郡鼓旗令各以郡人詣旗下衆十餘萬皆遣歸弇復至城陽降五校餘黨齊地悉平振旅還京師 又馬

營乞降進擊武陵蠻夷斬首四千餘級受降十餘萬人
荊州平定振旅還京師 又滕撫傳東南悉平振旅而
還

在漢八葉

宣帝後將軍趙充國

平羌振旅而還 出曰治兵

入曰振旅禹之格苗周之采芑教陳於周愷入于晉告
成于王來歸自鎬

晉勞師

紀太元八年冬十月乙亥諸將及苻堅戰於淝水大破

之俘斬數萬計獲堅輿輦及雲母車十一月庚申詔衛將軍謝安勞旋師于金城十二月庚午以寇難初平大赦

唐獻俘太廟

會要

兼實錄等書

武德元年十一月二十三日秦王平薛仁

果凱旋獻俘太廟二年五月二十四日破宋金剛獻捷太廟三年五月辛卯平并州獻捷太廟四年七月九日甲子平東都秦王被金甲陳鐵騎俘世充建德及隋神

器寶輅獻捷於太廟貞觀四年三月二十九日李靖俘
頡利獻捷太廟二十年三月至自遼東獻俘授馘備法

駕具凱旋之禮二十三年正月執龜茲王辛亥獻社廟

一作
稷

壬子獻于紫微殿永徽元年九月七日庚子高祖

執車鼻可汗癸卯獻太廟社昭陵甲寅獻于武德殿顯

慶三年十二月蘇定方俘賀魯十五日甲午獻於昭陵

十七日丙申告于太廟

一作
社

皇帝臨軒大會百僚夷狄

君長定方戎服操賀魯獻於樂懸之北總章元年十二

月高麗平獻俘于含光殿乾封元年十月二十一日

冊府

元龜亦云
總章元年

李勣平高麗還上令領高藏等便道獻于昭

陵備軍容奏凱歌獻於太廟十二月親祠南郊以高麗
平昭告上帝永隆二年十月裴行儉俘突厥伏念等獻
之開元二十二年六月幽州節度副大使張守珪大破
契丹林胡遣使獻捷敕曰邊境為患莫甚於林胡輒變
梟聲敢為獸搏守珪等乘間電發表裏齊攻積年逋誅
一朝翦滅宜擇日告廟二十八年八月二十日破奚契

丹擇日告廟自後有軍捷必先告廟

傳云詔有司告九廟

李光弼傳上元元年進圍懷州令郝廷玉由地道入禽
安太清揚希仲送京師獻俘太廟 狄仁傑傳久視元
年李楷固賂務整討契丹克之獻俘含樞殿凱旋后舉
酒屬仁傑賞其知人

唐順天樓受俘 觀德殿獻俘

並見前兵捷類

唐涇陽受回紇獻功

詳見御詩及
賜與外夷類

舊紀貞觀二十年八月己巳幸靈州庚午次涇陽鐵勒
回紇十一部各遣使朝貢九月甲辰諸部落俟斤頡利
發等相繼而至靈州者數千人於是北荒悉平為五言
詩勒石序其事 紀貞觀三十年八月己巳如靈州庚

辰次涇州九月甲辰鐵勒諸部請上號為可汗十月丙
戌至自靈州 回紇傳突厥已亡惟回紇與薛延陀為

最雄強胡祿俟利發吐迷度與諸部攻薛延陀殘之并

有其地遣使獻款太宗為幸靈州次涇陽

京兆涇陽縣

受其

功於是鐵勒十一部皆來言延陀不事大國以自取亡
其下麀駭鳥散不知所之今各有分地願歸命天子請
置唐官有詔張飲高會引見渠長等以唐官官之凡數
千人

唐紫微殿受俘

見前平龜茲

唐乾陽殿受俘

會要顯慶五年正月

癸卯

蘇定方討都曼獻俘于東都上

御乾陽殿定方操都曼以獻有司請論如法定方請曰
臣間諭陛下意許以不死願丐其命帝曰朕為卿全信
乃宥之

唐含元殿數俘

見前平高麗

唐含光殿獻俘

見上

唐應天門受俘

舊紀開元二十年五月戊辰信安王獻奚契丹之俘上
御應天門受之

唐獻俘太清宮

冊府元龜天寶五載正月己巳獻隴右節度使皇甫惟
明所獲吐蕃突厥俘于太清宮庚午獻于太廟至德二
載九月元帥廣平王收西京甲辰捷書至行在百僚稱
賀即日告捷於太上皇遣宰相裴冕入京告郊廟社稷
上元元年十月廣平王奏收懷州城禽七十餘衆是月

獻俘于太廟二年二月河南破劉展告太廟代宗寶應
二年四月命有司享太廟告獻史朝義首大歷二年正
月華州賊周智光平命有司具儀奏告太清宮及太廟
七陵貞元元年八月河中平傳李懷光首至告太廟長
慶元年四月河北諸道平中書門下奏太宗平突厥高
宗平高麗皆告陵廟蓋以高祖嘗蓄憤於北虜太宗亦
銳氣於東夷武功未終所宜啓告鎮冀幽薊盡復區宇
祖宗宿憤霧擴烟銷詩曰維天之命太平告文王也望

下禮官撰儀擇日薦告太廟以彰繼服之業五月己酉
告于太廟二年八月汴州平賊李汧告社廟太清宮中
和四年六月徐州獻黃巢首獻于行廟龍紀元年二月
汴州獻秦宗權帝御延喜門受俘告廟社乾寧元年十
一月慶州傳王行瑜首帝御延喜樓獻於太廟

唐開遠門獻俘

見前禽石國王

唐勤政樓獻俘

紀天寶十三載五月壬戌觀酺於勤政樓北庭都護程

千里俘阿布思以獻

詔斬以徇

傳突厥九姓首領阿布思

開元初內附賜氏李名獻忠叛還磧外數盜邊

十一載二月庚

午寇邊十一載六月部落降

詔程千里將兵討捕千里諭葛邏祿陰令

犄角獻忠以窮歸葛邏祿縛之并妻子帳下數千人送

千里所

十二載九月甲寅執之

乃獻俘勤政樓

唐回鶻獻俘

通鑑貞元七年吐蕃寇靈州為回鶻所敗九月回鶻遣

使獻俘十二月甲午又獻所獲吐蕃酋長尚結心 傳
是歲回鶻擊吐蕃葛祿於北廷勝之且獻俘明年使藥
羅葛來朝 會要貞元七年九月回鶻敗吐蕃於北庭
使獻捷

唐南詔獻捷

紀貞元十年正月壬辰南詔蠻敗吐蕃于神川來獻捷
通鑑正月戊戌
遣使來獻捷 南詔傳烏蠻別種也自舍龙以來有

譜次可考高宗時遣使者入朝開元末皮邏閣賜名歸

義五詔徵歸義獨強求合六詔為一制可已并羣蠻遂
破吐蕃入朝天子加禮馳遣中人冊為雲南王賜錦袍
金鈿帶七事大厯十四年異牟尋立吐蕃封為日東王
然吐蕃責賦重奪其險立營候異牟尋稍謀內附會節
度使韋臯撫諸蠻有威惠時貞元四年也遣諜遺書吐
蕃疑之責大臣子為質後五年九年五月乃決策遣使者趣
成都遺臯帛書願歸款獻金示順草丹赤心也德宗嘉
之賜詔書命臯遣諜往覘十月臯令其屬崔佐時宣天

子意

十年正月
至雲南

異牟尋再拜受命與佐時盟點蒼山乃

發兵攻吐蕃使者殺之刻金契以獻遣曹長隨佐時入

朝自將數萬人大破吐蕃於神川遂斷鐵橋溺死以萬

計俘其五王乃遣弟湊羅棟清平官尹仇寬等二十七

人入獻地圖方物請復號南詔明年十年夏六月癸丑冊為

南詔王賜黃金印

舊紀七月
庚辰賜印

以袁滋持節使滋至大會

享使者出銀平脫馬頭盤二曰此天寶時先君宿衛皇

帝所賜也有笛工歌女皆垂白曰此先君歸國時皇帝

賜胡部龜茲音聲二列今唯二人在茲曰當抱忠竭誠
永為西南藩屏復遣清平官尹輔首等七人謝天子獻
鐸鞘浪劍鬱办生金瑟瑟牛黃虎珀氎紡絲象犀越睎
統倫馬

舊紀十年九月辛卯獻

唐興安門受俘

會要

兼本紀通鑑

元和元年十月高宗文平蜀戊子禽劉闢

以獻上御興安門觀之詰反狀命獻太清宮廟社二年
十月平浙西禽李錡至闕下十一月甲申朔上御興安

門親詰反狀十二年十一月丙戌朔李愬平淮西禽吳元濟

以獻上御興安門大陳甲士旌旗於樓南羣臣諸蕃使

皆列位元濟見于樓下命獻太廟太社

文武百官分序街之左右六軍

備衛十四年二月戊午劉悟斬李師道壬戌田弘正捷奏

至己巳師道首函至上御興安門受田弘正所獻俘獻

太廟郊社

羣臣稱賀於樓下大和三年五月宣慰使栢耆奏

斬李同捷丁亥御興安門受滄州所獻俘百僚稱賀於

樓前會昌四年八月辛巳朔平澤潞臬劉稹丙申宰相

入賀十二日御興安門受獻

戊戌積首至京師獻于廟社百官樓前稱賀

乾德崇元殿受俘

見兵捷類

開寶明德門受俘

見兵捷類

咸平崇德殿賀奏捷

二年九月癸卯宴射後苑有頃鎮定高陽關部署傅潛遣騎奏先鋒田紹斌石普敗虜衆於廉良路從臣再拜

稱賀是日上中的十一甲辰羣臣詣崇德殿賀奏捷

景德潘羅支獻捷

元年二月丁巳環慶鄜延言李繼遷以去歲十一月劫西蕃至西涼府潘羅支詐降集蕃部合擊之繼遷大敗中流矢至靈州界死戊午潘羅支遣鄭延美貢名馬獻捷詔獎之先是咸平六年二月庚辰以西涼府六谷首領潘羅支為朔方軍節度使靈州西面都巡檢使時羅支遣蕃官來貢又集騎兵一萬乞會王師復靈州故

有是命

慶厯契丹獻戎捷

五年十月五日宴契丹獻戎捷使於紫宸殿西征所
獲馬三百匹羊二萬口九龍車一乘乙卯遣使獻之

元祐崇政殿獻俘

見兵捷類

紀功 碑銘附

克敵必示子孫以無忘武功穆天子傳天子五日觀

於春山之上乃為名疏於懸圃之上以詔後世

注勒石 天子升于弇山乃紀其跡于弇山之石

曰西王母

之山 文心雕龍周穆紀述于弇山之石 秦嶧山刻石

大事記云刻石始於此 後漢郡國

志魯國注有騶山 瑯邪臺刻石

曰古之帝者地不過千里猶刻金石以自

紀愚按此秦以前已有刻石 之罘刻石會稽刻石 魯林鍾銘功

晉景鐘銘勲

漢封狼居胥山

霍去病傳元狩三年秋匈奴入右北平定襄殺畧漢千

餘人四年春上令大將軍青票騎將軍去病各五萬騎步兵轉者踵軍數十萬而敢力戰深入之士皆屬去病始為出定襄當單于捕虜言單于東迺更令去病出代郡令青及四將軍出定襄青至幕北見單于兵陳而待於是青令武剛車自環為營衛而縱五千騎往當匈奴匈奴亦縱萬騎會日且入大風起漢兵縱左右翼圍單于自度戰不能與漢兵遂獨與壯騎數百潰漢圍西北遁走漢兵夜追之匈奴兵散走會明行二百餘里不得

單于頗捕斬首虜萬餘級遂至寘顏山趙信城而還青
之入塞凡斬首虜萬九千級去病騎兵車重與大將軍
等而亡裨將悉以李敢等為大校當裨將出代右北平
二十餘里直左方兵所斬捕功多于青既皆還上曰票

騎將軍去病率師躬將所獲葷朶之士

葷音熏葷朶音熏驚也

約輕

齎絕大幕涉獲單于章渠

單于臣也

以誅北車耆

王號也

轉擊

左大將雙獲旗鼓歷度難侯

山名

濟弓盧

水名

獲屯頭王韓

王等三人

匈奴王號

將軍相國當戶都尉八十三人封狼居

胥山禪於姑行登臨翰海

張晏曰登海邊山以望海也有大功故增山而廣之也如

淳曰翰海北海名也師古曰積土增山曰封為禪祭地曰禪

執訊獲醜七萬四百四

十三級師率減什二取食於敵卓行殊遠而糧不絕以

五千八百戶益封票騎將軍武紀元狩四年夏

武帝即位之二

十四年去病與左賢王戰斬獲首虜七萬餘級封狼居胥

山廼還注師古曰登山祭天築土為封刻石紀事以彰

漢功 匈奴傳票騎出代二千餘里與左王接戰漢兵

得胡首虜七萬餘人左王將遁走票騎封於狼居胥山

禪姑衍臨翰海而還是後內奴遠遁幕南無王庭漢度
河自朔方以西至今居通渠置田官兩將所殺虜八九
萬單于用趙信計遣使好辭請和親 叙傳票騎冠軍

焱勇紛紜長驅六舉電擊雷震飲馬瀚海封狼居山西
規大河列郡祁連 揚雄書孝武深惟社稷之計規恢
萬載之策興師數十萬使衛霍操兵前後十餘年於是
浮西河絕大幕破寘顏襲王庭窮極其地追奔逐北封
狼居胥山禪於姑衍以臨翰海虜名王貴人以百數內

奴震怖益求和親快心於狼望之北恐百萬之師以摧
饑虎之喙運府庫之財填廬山之壑揚雄賦聖武勃
怒爰整其旅乃命票衛汾沔沸渭雲合電發森騰波流
機駭螭軼疾如奔星擊如雷霆碎輶輶破穹廬腦沙幕
隴余吾遂獵王庭毆橐它燒燿蟲分黎單于磔裂屬國
金鏃淫夷者數十萬人皆稽顙植頷扶服蛾伏杜篤賦
遂命票騎勤任衛青勇惟鷹揚軍如流星燒薊帳燔康
居仄珍奇椎鳴鏑釘鹿蟲獲昆彌馭宛馬鞭駃騠拓地

萬里威震八荒
播氏焚擁
卽作麟藏
貊南羈鉤町水劍
強越連緩耳瑣
雕題云云
夏竦補封狼居胥山銘征朔
幕兮振元戎
鏖黠虜兮翦元兇
車騎旋兮氛祲空
刻隆石兮山之峯
永萬年兮漢之崇

漢登單于臺

武紀元封元年冬十月詔曰
南越東甌咸伏其辜
西蠻北夷頗未輯睦
朕將巡邊垂擇兵振旅躬秉武節
置十二部將軍親帥師焉
行自雲陽北歷上郡西河五原出

長城北登單于臺至朔方臨北河勒兵十八萬騎旌旗
徑千餘里威震匈奴遣使者告單于曰南越王頭已懸
於漢北闕矣單于能戰天子自將待邊不能亟來臣服
何但亡匿幕北寒苦之地為匈奴警焉匈奴傳天子
巡邊親至朔方勒兵十八萬騎以見武節而使郭吉風
告單于與地廣記雲中有單于臺通典雲中郡雲
中縣單于臺在縣西北百餘里水經注大碣石山在
右北平驪城縣西南漢武帝登之以望巨海而勒其

石

漢出師頌

見頌類

漢勒功燕然山 告類薦功

和紀永元元年夏六月車騎將軍竇憲出雞鹿塞度遼
將軍鄧鴻出柰陽塞南單于出滿夷谷與北匈奴戰于
稽落山大破之追至和渠

傳云私渠

北鞬海憲遂登燕然山

刻石勒功而還北單于遣弟右溫禺鞬王奉奏貢獻閏

七月丙子詔曰匈奴背叛為害久遠賴祖宗之靈師克

有捷醜虜破碎遂掃厥庭役不再籍萬里清蕩有司其

案舊典告類薦功以彰休烈類祭天也九月庚申以憲為大

將軍二年九月北匈奴遣使稱臣 竇憲傳南單于請

兵北伐乃拜憲車騎將軍金印紫綬以執金吾耿秉為

副發北軍五校黎陽雍營緣邊十二郡騎士及羌胡兵

出塞明年憲與秉各將四千騎及南匈奴左谷蠡王師

子萬騎出朔方雞鹿塞南單于屯屠河名也將萬餘騎出

滿夷谷度遼將軍鄧鴻及緣邊義從羌胡八十騎與左

賢王安國萬騎出柁陽塞皆會涿邪山

文選注引班固涿邪山祝文曰

杖節擁旄鉦人伐鼓

憲分遣副校尉閻盤司馬耿夔耿譚將左谷

蟲王師子右呼衍王須訾等精騎萬餘與北單于戰於

稽落山大破之單于遁走進擊諸部遂臨松渠北鞬海

匈奴中

斬名王已下萬三千級獲生口馬牛羊橐駝百

餘萬頭於是溫犢須日逐溫吾夫渠王柳靬等八十一

部率衆降者前後二十餘萬人憲東遂登燕然山去塞

三十餘里刻石紀功紀漢威德令班固作銘曰惟永元
元年秋七月理兵於朔方鷹揚之校螭虎之士爰該六
師暨南單于東烏桓西戎氐羌侯王君長之羣驍騎三

萬元戎輕武長轂四分雲輜蔽路萬有三十餘乘勒以

八陣

兵法有八陣圖

蒞以威神玄甲耀日朱旗絳天遂凌高關

下雞鹿經磧鹵絕大漠斬溫禺以霧鼓血尸逐以染鍔

然後四校橫徂星流彗埽蕭條萬里野無遺寇於是域

滅區單反旆而旋考傳驗圖窮覽其山川遂踰涿邪跨

安侯乘燕然躡冒頓之區落焚老上之龍庭將上以據高
丈之宿憤光祖宗之玄靈下以安固後嗣恢拓境宇振
大漢之天聲乃遂封山刊石昭銘上德鐫王師兮征荒
裔勦凶虐兮截海外賔其邈兮亘地界封神丘兮建隆
碣熙帝載兮振萬世憲乃班師而還南單于於漠北遺
憲古鼎論曰率羌胡邊雜之師一舉而空朔庭追奔稽
落之表飲馬北鞬之曲銘石負鼎薦告清廟贊曰聽茹
龍庭鏤石燕然 肉奴傳論破龍祠焚蜀幕銘功封石

倡呼而還 班固北征頌曰揔三選簡虎校勒部隊明
誓號援謀夫於未言察武毅於俎豆羌戎相率東胡爭
驚不召而集未令而諭於是雷霆九原電曜高闕金光
鏡野武旗冒蜺衡難鹿超黃磧斷溫禺分尸逐電激私
渠星流霧落名王交臂稽顙請服封燕然以隆高擅廣
韃以弘曠 崔駰北征頌曰順天機兮把刑德戈所指
兮罔不尅

前內奴傳貳師引兵還至速邪烏燕然山

師古曰速邪
烏地名也燕

然山在
其中

漢班超紀功碑

唐姜確傳出伊州距柳谷百里其處有漢班超紀功碑

詳見兵
捷類

漢江陵刻石紀功

馮緄傳延熹五年緄擊武陵蠻夷荊州平定振旅還京

師於江陵刻石紀功

詳見
前類

漢諸葛亮紀功碑銘

隋志史萬歲為行軍總管擊南寧夷至南中見諸葛亮

紀功碑銘其背曰萬歲之後勝我者過此

開皇十七年二月癸未萬

歲平南寧羌勒石頌美隋德

唐南詔傳廣德初鳳迦異渠拓東城

諸葛亮石刻故在文曰碑即仆蠻為漢奴夷畏誓常以

石檣梧

魏九都山刻石紀功

毋丘儉傳青龍中明帝圖討遼東以儉有計策徙幽州刺史明年討公孫淵定遼東正始中儉以高句驪數侵

叛督諸軍步騎萬人出玄菟從諸道討之句驪王宮破
走儉遂東馬垂車登九都屠句驪所都斬首虜千數宮
逃竄六年復征之宮奔買溝儉遣玄菟太守王頎追之
過沃沮千有餘里至肅慎氏南界刻石紀功刊九都之
山銘不耐之城所誅納八千餘口論功受賞侯者百餘
人高句麗傳正始三年宮寇西安平五年為儉所破
通鑑正
始七年

晉峴山紀績碑

杜預傳刻石為二碑紀其勲績一沉萬山之下一立峴山之上

隋林邑刻石紀功

劉方傳大業元年正月軍至海口林邑王梵志遣兵守險方擊走之還馬援銅柱南行八日至其國都梵志奔海獲其金人刻石紀功而還

唐貞觀紀功業碑銘

舊紀貞觀三年十二月癸丑詔建義已來交兵之處各

唐可汗山銘

文苑英華貞觀十三年己亥二月八日辛巳大使右武
衛大將軍慕容寶節副使朝散大夫任雅相等奉詔冊
真珠毗伽可汗嫡嗣為肆葉護可汗命謝偃為可汗山
銘以紀其事 萬鋒齊舉 鞭電鼓雷拔山蹴岳 龍
庭柳塞之外烟滅雲銷瀚海天山之前波澄霧卷 震
皇威於萬葉 星劍騰兮虹旗揚 繁欽征天山賦輶
輶雲趨威弧雨發

唐克高昌紀功 姜確刊石頌

見兵捷類 高昌傳侯君集勒石紀功凱而旋俘智盛
君臣獻觀德殿行飲至禮酺三日

唐駐蹕山紀功 破陣圖 漢武臺紀功

太宗紀貞觀十八年七月甲午營州都督張儉率幽營
兵及契丹奚以伐高麗十一月甲午張亮為平壤道行
軍大總管李世勣馬周為遼東道行軍大總管率十六
總管兵以伐高麗十九年二月庚戌如洛陽宮以伐高

麗四月癸卯誓師于幽州

城南

大饗軍癸亥李世勣克蓋

牟城五月己巳平壤道行軍總管程名振克沙卑城庚

午次遼澤丁丑軍于馬首山中申克遼東城六月丁酉

克白巖城己未大敗高麗於安市城東南山九月癸未

班師十月丙午次營州丙辰皇太子迎謁于臨渝關戊

午次漢武臺刻石紀功十一月癸酉大饗軍于幽州

實錄

云十九年十月班師次漢武臺餘基三成傍有祠室瑩域帝顧問侍臣對曰此是燕齊之士為漢武求仙之處其地俯臨大海長瀾接天岸多峻石奇怪之狀帝製文刻於石九域志滄州有漢武臺後魏志章武漢屬

渤海有漢武帝臺

舊紀貞觀十九年五月丁丑車駕度遼度帝

遼凡十徙營

甲申上親率鐵騎與李勣圍遼東城拔之六月

丁巳名所幸山為駐蹕山刻石紀功十月戊午次漢武

臺刻石以紀功德

二十年三月至自遼東獻俘授馘備法駕凱旋璽夾君長夾道陳

高麗傳本扶餘別種也隋末其王建武嗣武德初四年

乙丑再遣使入朝高祖下書脩好太宗已禽突厥頡利建

武遣使者賀並上封域圖有蓋蘇文者殘凶不道殺建

武更立建武弟之子藏為王

貞觀十六年十一月丁巳營州都督張儉奏

帝

聞建武為下所殺惻然帝不欲因喪伐罪乃拜藏為高

麗王

十七年六月戊辰

會新羅遣使者上書

九月庚辰

言高麗百濟

連兵將見討謹歸命天子於是遣司農丞相里玄獎以

璽書責高麗使止勿攻高麗違詔不從

十八年二月乙巳朔玄獎還

帝欲自將討之召耆老勞曰遼東故中國地而莫离支

賊殺其王朕將自行經略之於是北輸粟營州東儲粟

古大人城帝幸洛陽

十月甲寅幸十一月壬申至

乃以張亮為平壤

道行軍大總管以李勣為遼東道行軍大總管

甲午又發

契丹奚新羅百濟諸君長悉會

庚子先遣梯衝於安蘿山

十九年二

月帝自洛陽決定州謂左右曰今天下大定唯遼東未

賓後嗣因士馬盛強謀臣導以征討喪亂方始朕故自

取之不遺後世憂也

三月丁丑幸定州壬辰發定州佩弓矢手結雨衣於御鞍

四月

戊戌朔

李勣濟遼水高麗皆嬰守帝大饗士帳幽州之南

癸卯

詔長孫無忌誓師乃引而東

丁未發幽州

勣攻蓋牟城

壬子

拔之

癸亥

得戶二萬糧十萬石以其地為蓋州程名振攻

沙卑城夜入其西城潰

五月己巳

虜其口八千游兵鴨綠上

勅遂圍遼東城帝次遼澤庚午高麗發新城國內城騎四

萬救遼東道宗率張君乂逆戰君乂却道宗以騎馳之

虜兵辟易奪其梁收散卒乘高以望見高麗陣囂急擊

之斬首千餘級誅君乂以徇乙亥帝度遼水營馬首山丁丑

甲光炫日城潰甲申獲勝兵四萬戶糧五十萬石以其

地為遼州進攻白崖乙未虜酋孫伐音以城降六月丁酉獲男

女凡萬兵二千以其地為巖州次安市丙辰於是高麗北

部傳薩高延壽南部傳薩高惠真引兵及靺鞨衆十五

萬來援已帝曰彼若勒兵連安市而壁據高山取城中

粟食之縱鞞羯略吾牛馬攻之不可下此上策也拔城

夜去此中策也與吾爭鋒則擒矣有大對盧官為延壽

計曰吾聞中國亂豪雄並奮秦王神武敵無堅戰無前

遂定天下南面而帝北狄西戎罔不臣今掃地而來謀

臣重將皆在其鋒不可當今莫若煩兵曠日陰遣兵絕

其糧道不旬日糧盡欲戰不得歸則無路乃可取也延

壽不從引軍距安市四十里而屯帝曰虜墮吾策中矣

命左衛大將軍阿史那社尒以寔厥千騎當之虜以韃
韃銳兵居前社尒兵接而北延壽曰唐易與耳進一舍
倚麓而陣帝詔延壽曰我以爾有強臣賊殺其主來問
罪交戰非我意延壽謂然按甲俟帝夜召諸將使李勣
率步騎萬五千陣西嶺當賊長孫無忌牛進達精兵萬
人出虜背狹谷帝以騎四千偃旗趨虜北山上令諸軍
曰聞鼓聲而縱張幄朝堂曰明日日中納降虜於此是
夜流星墜延壽營旦日戊虜視勣軍少即戰帝望無忌

軍塵土命鼓角作兵幟四合虜惶惑將分兵禦之衆已
囂勦以步槊擊敗之無忌乘其後帝自山馳下虜大亂
斬首二萬級延壽收餘衆負山自固無忌勦合圍之撤
川梁斷歸路帝按轡觀虜營壘曰高麗傾國來一麾而
破天贊我也下馬再拜謝況于天延壽等度勢窮舉衆
降未已入轅門膝而前拜手請命帝曰後敢與天子戰乎
惶汗不敢對帝料酋長三千五百悉官之許內徙餘衆
三萬縱還之誅韎韠三千餘人獲馬牛十萬明光鎧萬

領高麗震駭后黃銀二城自拔去數百里無舍煙乃驛

詔太子并賜諸臣書曰朕自將若此云何因號所幸山

為駐蹕山圖破陣狀

令將作造破陣圖

勒石紀功又攻安市城

不免有詔班師拔遼蓋二州之人以歸會要上征遼

東進次安市城名其山為駐蹕山遂還命中書侍郎許

敬宗為文刻石紀功敬宗曰

一云敬播

山名駐蹕蓋天意也

乘輿不復東矣

敬宗傳駐蹕山破賊命草詔馬前

列傳楊弘禮駐蹕

之役領步騎二十四軍跳出賊背所向摧靡帝自山下

望其衆 劉弘基戰駐蹕山有功 李勣從戰駐蹕山
功多

唐靈州勒石

通鑑貞觀二十年八月己巳如靈州庚午回紇等十一
姓各遣使入貢壬申上幸漢故甘泉宮詔以戎狄與天
地俱生朕禽頡利滅延陀鐵勒百餘萬戶內屬混元以
降殊未前聞宜備禮告廟九月上至靈州敕勒諸部俟
斤遣使至者數千人咸云請上號可汗甲辰上為詩曰

雪恥酬百王除凶報千古公卿請勒石靈州從之

又見實錄

會要天寶九載三月二十五日靈州都督張齊丘請於新築安北大都護府建紀聖德碑頌許之

唐龜茲刻石紀功

阿史那社尒傳禽龜茲王刻石紀功而還

見兵捷類

唐平蠻頌碑

九域志桂州有唐李靖嶺南道安撫大使平蠻頌碑

唐汜水刻石立頌

實錄高宗顯慶二年十月辛鄭州壬子次汜水

河南府汜水鄭

制邑虎牢漢成臯

以先帝於汜水擒竇建德因平王世充於是

刻石立頌以紀功烈帝自為頌文 玄宗開元二十三

年二月己亥以奚契丹既平宰臣耀卿九齡等奏賀曰

初奉聖謀高深未測及聞凱捷晷候不差卧鼓滅烽誠

自此始請宣付史館仍許將吏等刊石立頌以紀功德

天寶十載十二月庚申敕安國寺以所撰先皇聖德頌

刻石 李絳傳安國佛祠立石紀聖德欲使絳為之頌

絳上言秦刻嶧山不足為法帝悟

唐西域紀聖德碑

又見都督類

會要龍朔元年六月十七日

癸未

吐火羅道置州縣使王

名遠進西域圖記并請于闐以西波斯以東十六國分

置都督府及州八十縣一百一十軍府一百二十六仍

于吐火羅國立碑以紀聖德從之置月氏都督府

先是顯慶

二年十一月蘇定方破賀魯西域悉平置濠池崑陵二都護府

金石錄有顯慶四年

八月高宗撰紀功碑飛白題額

唐封禪碑勒名

突厥傳高宗封禪都督葛邏祿叱利等三十餘人皆從

至泰山下詔勒名於封禪碑云凡三十年北方無戎馬

警

麟德二年十月丁卯發東都赴東嶽突屈于闐波斯天竺罽賓烏長崑崙佺國及新羅百濟高麗等諸蕃

酋長各率其屬扈從

忠義傳安金藏玄宗屬其事於史官擢右

驍騎將軍爵代國公詔鑱其名於泰華二山碑以為榮

開元二十年三月上思金藏忠烈封代國公仍于東西嶽立碑以銘其功 一云勒其名

唐姚雋道立石著功

循吏傳裴懷古儀鳳中遷監察御史姚嵩道蠻反命懷古馳驛往懷輯之申明誅賞歸者日千計俄縛首惡遂定南方蠻夏立石著功

唐碎葉城刻石紀功

裴行儉傳

見兵捷類

紀調露元年六月辛亥吏部侍郎裴

行儉伐西突厥九月壬午執其可汗都支

唐紀功大度山

吐蕃傳武后永昌元年

五月丙辰

詔文昌右相韋待價為安

息道大揔管明年

天授二年五月

復詔文昌右相岑長倩為武

威道行軍大揔管以討吐蕃兵半道罷又明年

長壽元年夏五

月

大酋領曷蘇率貴川部與党項種三十萬降武后以

右玉鈴衛將軍張玄遇為安撫使率兵二萬迎之次大

度水

六月

吐蕃禽曷蘇去而它酋咎挿又率羌蠻八十自

來玄遇即其部置葉州咎挿為刺史刻石大度山以紀

功是歲又詔右鷹揚衛將軍王孝傑為武威道行軍揔

管率西州都督唐休璟左武衛大將軍阿史那忠節擊

吐蕃大破其衆復取四鎮更置安西都護府於龜茲以
兵鎮守之 武后紀長壽元年十月丙戌武威道行軍
總管王孝傑敗吐蕃克四鎮

唐鐵柱勒功

見標界類 吐蕃傳唐九徵建鐵柱於滇池以勒功

舊書

云神龍三年

唐太原刻石紀功

舊紀開元十一年幸并州以為太原府上親製起義堂

頌及書刻石紀功于太原府之南街 紀開元十一年正月乙巳如并州辛卯次并州改為北都

唐紀聖德神功碑

唐紀聖德碑

見安北都護

九域志河陽三城節度古跡有唐紀聖德神功碑天寶中建

唐鳳翔出師紀功

文粹楊炎作頌序曰維唐七葉姦臣盜二京皇帝肅宗龍

鳴河北觀兵雍上於是巢山駕海之羣狼麤鳥章之君

不期而趨于闕下者四十有三萬大陣于東郊皇帝建
白麾以誓於軍天威動六合兵氣連太白乾坤為之坎
軋河嶽為之震蕩孤鳴鑿齒之徒不崇朝而聲反於謳
歌故鄴杜之師以形勝灞上之兒以威逐桃林之陣以
奇破河洛之孽以氣摧帝乃間天牢迴豹尾陵顥氣鎖
櫬槍雲髦玉輅山動地踊降自西雍幸於京師以成功
告宗廟以雷雨洗川澤清蹕而奉聖皇稱觴以朝前殿
華戎踊躍喜氣磅礴於是相與鑿石於誓師之塲頌曰

日為車兮雷為鼓
醢鯨鯢兮掃煙雨
紀至德二載二

月戊子次于鳳翔

至德元載改狀
鳳為鳳翔郡

八月癸巳大閱九月

癸卯復京師

甲辰捷書至鳳翔十月壬戌復東京癸亥上發鳳翔丁卯上入西京居大明宮

唐河西聖德頌

丈粹揚矣河西平胡聖德頌至德二載春正月武威郡

胡洎九蕃夷落

通鑑武威九姓
商胡安門物等

伺師旅之間據金城害

州伯二月乙丑詔太僕崔緝總中權又命內常侍劉日

新護羌戎之長林疎蜎合會于東郊庚午引熊虎之師

杖龍蛇之劍矛戟四起烟塵火色風雲入陣草木為兵
通鑑河西兵馬使蓋庭倫殺節度使周泌度支判官
崔稱與中使劉日新以二城兵攻之旬有七日平之公
曰詔虎臣兮殪天弧載火旗兮耀昆吾霽塵壘兮被戎
都

唐東渭橋紀功碑

李晟傳帝至自梁晟以戎服見三橋帝駐馬勞之有詔
賜第永崇里涇陽上田延平門之林園女樂一列晟入
第京兆供帳教坊鼓吹迎導詔將相送之帝紀其功自

文于碑敕皇太子書立于東渭橋以示後世又令太子

錄副以賜

詳見前

晟表謝云昭宣造化之情黼黻義文

之制上援彥範次述子儀

唐興元紀功述

李紆傳奉詔為興元紀功述及郊廟樂章

紆德宗時為兵部侍郎

聖功錄

見前

唐韋臯破吐蕃紀功碑

見兵捷類

金石錄碑德宗撰太子誦書貞元二十年

十二月

德宗又為段太尉紀功碑

唐鹿頭山紀功

高崇文傳鹿頭山南距成都百五十里扼二川之要劉
闢城之旁連八屯以距東兵崇文始破賊二萬於城下
明日戰萬勝堆凡八戰皆捷賊心始搖大將阿跌光顏
軍鹿頭西斷賊糧道賊大震其將李文悅以兵三千自
歸仇良輔舉鹿頭城二萬衆降遂趣成都餘兵面縛送

欽闢走追禽之崇文刻石紀功于鹿頭山

紀元和元年九月辛亥克

成都 碑云十月遣檢校司空領全蜀

會要元和元年九月平西蜀詔

刻石紀功于鹿頭山下

崇文碑云命侍從之臣紀功篆石建碑于鹿頭之下蓋今相國

裴公之詞 舊史成都北一百五十里有鹿頭山 志漢州德陽有鹿頭關 杜甫鹿頭山詩連山西南斷俯

見十里

唐劍門銘

柳宗元作 皇帝元年八月帥喪衆暴關劉滔天阻兵惟

梁守臣嚴公礪遣前軍嚴秦奉揚王誅誕告南土十一

月右師逾利州左師出劔門諭引劫脅蟻潰鼠駭驚鼓
一振元戎啓行取其渠魁以為大戮銘曰井絡坤垠時
惟外區界山為門環于蜀都攻出九地上披重雲攀天
蹈空夷視阻艱破裂層壘殄殲羣頑銘功鑒亂永代是
觀

唐平淮西紀功 平淮碑

見兵捷類 藩鎮傳帝美裴度功詔韓愈為平淮西碑
李愬妻訴愈文不實帝命斷其文更命段文昌為之壇

命信靈
旗指越

大粹韓雲卿平淮碑上元辛丑歲叛臣劉展

竊地弄兵命田神功統盧龍勁卒涉淮浮江梟魁逆銘
石江許曰昔在上元中夏猶虞姦宄矯攘鯨毒楚吳威
威信都奮髯提戈援桴軍門氣凌山河地祇號風江靈
鼓波上隕旄頭下除巴蛇 肅宗紀上元元年十一月
甲午揚州長史劉展反陷潤州丙申陷昇州二年正月
乙卯展伏誅

唐淄青紀績碑

舊書元和十四年二月田弘正獻李師道首命左右軍
如受馘儀先獻太廟郊社憲宗御興安門受之百寮稱
賀詔分其十二州為三節度俾馬總等分鎮命宰臣崔
羣撰碑紀其績 憲宗知人善任削平亂迹兩河復為
王土

唐盧龍紀聖功 幽州紀功銘

張仲武傳武宗時節度幽州盧龍烏介託天德塞上仲
武請擊之拜副大使會回鶻特勒那頡啜擁赤心部七

千帳逼漁陽仲武使弟仲至與別將游奉靈率銳兵三萬

破之獲馬牛橐它旗纛遣吏獻狀進檢校兵部尚書

會昌二年

五始回鶻常有酋長監奚契丹以督歲貢因訶刺中國

仲武使裨將石公緒等厚結二部執諜者八百餘人殺

之回紇欲入五原乃先以宜門將軍四十七人詭好結

歡仲武得其謀因逗遛不遣使失師期回紇人馬多病

死由是不敢犯五原塞烏介可汗失勢往依康居回紇

遂衰名王貴族相繼降

碑云前後受降三萬人

仲武請立石以紀

聖功詔德裕為銘揭碑盧龍以告後世 回鶻傳帝詔

德裕紀功銘石于幽州以夸後世 張守珪傳徙幽州

長史河北節度斬契丹酋屈刺及突于次紫蒙川

閱軍實傳其首東都開元二十三年入見會藉田

畢即酺燕為守珪飲至帝賦詩寵之拜輔國大將軍

賜金綵官二子詔立碑紀功 郭知運傳詔張說紀

其功 碑曰開元二年吐蕃入隴右掠坰牧公兵以奇

勝寇不復蹤積甲山齊而有餘收馬谷量而未盡潛軍

一舉大俘九曲鑠甲文劔焚馬犂牛既獻戎捷遂頒朝
賜糟粕韜鈴芻狗風角平西征北震戎疊獫 文宗時
河東節度李戴義立碑紀功李程為之辭

景德禦寇圖

見兵捷類

元豐理戎碑

三年廊延經略司刻石紀邊計誦聖德錫名元豐理戎
碑熙寧十年三月甲寅臣惠卿帥廊延四月乙酉賜對

五路邊防自十年至元豐三年凡三期乃具凡城之授
守者所一百六十有六兵之備戰者其將八十有四凡
戰守之器械以物計之無慮一萬三千三百三十八萬
有奇皇帝至神成務以幾授成於初迄守不移遂立武
事以申天威

元豐三年八月辛卯朔陝西轉運權廊延
經畧李稷言前經畧使呂惠卿親奉聖訓

措置邊計講頌聖德刻之樂
石詔以元豐理戎之碑為額

定功繼伐碑

崇寧二年先事於青唐三年夏城郭善以為西寧州冬

誘偽王子趙懷德降獻于闐下大觀二年拔溪哥城以
為積石軍收青藏川以為洮州政和六年築震武軍德
威城鎮安城七年築制戎城宣和元年舉國來寇上用
不赦乾順欵塞請命有詔班師凡平青唐吐蕃全國置
州四軍一關一城六寨十堡十二收復夏國地數千里
築軍一城七寨五堡壘二十四繼遷盜靈武歲在壬寅
今歲復壬寅適百有二十年再週之數極矣 命王安

中撰定功繼伐碑

御筆
賜名

平蠻碑

余靖於桂州北門之外就崖石磨刻出師平賊受筭凱旋
年月以宣示皇朝威令用肅遠方 又撰京觀記刻石于
邕州歸仁鋪蠻塚之側 殿中丞馮炳掌機宜撰平蠻記
一卷

帝赫斯怒王師有征 寰海鏡清方隅砥平 兵動若
神謀不再計 翦豺狼如拉朽掃欃槍如拾芥 欃槍
旬始竹破瓦解 皇風用宣邊草齊偃 震戎疊獫

雲行電邁谷靜山空
箭下聊城泥封函谷
象浦通關龍沙開候
神兵電掃風沙自歸
渭橋屈膝戈船沉月
劍騎橫霜赤羽交而
三軍風生金鼓鳴而
萬夫氣作禍蚩尤誓
鉤陳勢如雷霆功在
漏刻涉龜沙薄鳥壘
暢轂文茵鉤膺絳革
朝至暮捷班馬蕭蕭
歸旌奕奕解甲倒戈
冰銷葉散卓行深入
致果忘身以律則臧
在和而克動惟膺揚
靜則山立鼓之則震
旆之則畏三謀協從
七緯告慶狼熊狝心
滄

波濯螢巨華拉殘
挽天弧建神矛
乘破竹順轉圜



玉海卷一百九十四